

Inatsisissatut siunnersuummut nassuiaatit

Nassuiaatit nalinginnaasut**1. Aallaqqaasiut**

1. Siunnersuummut pingaarnertigut tunuliaqutaasut

Tusagassiorfinnut tapiissuteqartarneq pillugu Inatsisartut inatsisaat nr. 20, 28. november 2016-imeersoq 1. januar 2017-imi atuutilerpoq. Inatsisartut inatsisaata tusagassiorfinnut tapiissuteqartarneq pillugu Namminersorlutik Oqartussat nalunaarutaat nr. 19, 8. oktober 2015-imeersoq aamma nuna tamakkerlugu tusagassiutinut naqitanut ingerlatsinermut tapiissuteqartarneq pillugu Namminersorlutik Oqartussat nalunaarutaat nr. 10, 26 maj 2016-imeersoq taarserpai.

Inatsisartut inatsisaat imaqarnermigut ingerlatsinermut tapiissutit aqutigalugit suliniutinut tapiissuteqartoqarnissaa aamma aallakaatitassiornermut tapiissuteqarnissamut aqqissuussinerit atuuttut ingerlateqqinnissaannik tunngaveqarpoq. Siunertaasimavoq tamat oqartussaaqataanerisa aamma tamat oqallinnissaasa periarfissaqarnerulernissaat siunertaralugu nutaarsiassat inuiaqatigiinnut piorsarsimassutsimullu pingaaruteqartut tamatigoortuullutik amerlallutillu neqeroorutaanissaasa pingaarnertigut qulakkeerinniffiginissaat siuarsarnissaallu.

Malittarisassanik inatsisitigut allannguinnikkut tusagassiorfinnut tapiissuteqarnissamut malittarisassat inatsisartunit tunngaveqarnerat qulakkeerneqassapput, malittarisassallu taamaalillutik allangortinneqarsinnaassallutik tamanna pillugu inatsisartuni isumaqataasoqarpat.

Inatsisartuni Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq inatsisissatut siunnersuutip pingajussaaneerneqarneranut atatillugu ilassutitut isumaliutissiisummik suliaqarpoq, tassani ilaatigut allanneqarluni tapiissutaasartut aalajangersimasut kingumut oqallisigeqqissimallugit, tassunga ilanngullugu tusagassiorfinnut tapiissutit marlunnut avinneqarneri, taamanikkut allanut naleqqiullugu suli nutaajusoq. Tassunga atatillugu ataatsimiititaliaq naliliivoq marlunnut avinneqarnerinut aalajangersimasumik sunniutaa suli qularnaatumik aalajangerneqarsinnaanngitsoq. Tamanna tunngavigalugu tusagassiorfinnut tapiissutit siunertarisaat inatsimmi aalajangersarneqartut qanorpiaq qulakkeerneqarnerisut, tassungalu ilanngullugu ingerlatsinermut tapiissutit aammalu suliniutinut tapissutit immikkoortinneqarnerat inatsisip siunertarisaanik qulakkeereqataanersoq pillugu misissuinissaq siunertaralugu tusagassiorfinnut tapissutit marlunnut avinneqarnerat nalilerneqassasoq ataatsimiititaliamit kissaatigineqarpoq. Peqatigisaanik uparuarneqarpoq nalilersuineri aamma tusagassiorfinnut tapiissutit

marlunnut avinneqarneri aalajangiussimaneqarnera pillugu naliliinermut ilaatinneqassasoq. Inatsisartut inatsisaannik akuersinermut atatillugu tamanna tunngavigalugu Inatsisartuni aalajangerneqarpoq tapiissuteqartarnermik aaqqissuussinerup ukiuni marlunni atuutereernerata kingorna nalilersorneqassasoq. Tamanna pissalluni tapiissuteqartarnermik aaqqissuussineq siunertamik naammassinninersoq pillugu naliliinissaq siunertaralugu.

Taamanikkut Naalackersuisut Kukkunersiuisoqarfiup siunnersuisarfillu Deloitte'p atorneqarneratigut tusagassiorfinnut tapiissuteqartarnermik atuuttumik avataaneersunik naliliititsipput nalunaarusiornermik inerneqartoq 2019-mi Inatsisartunut agguanneqartoq.

Naliliinermi inerniliisoqarpoq tusagassiorfinnut tapiissuteqartarneq 2017-2019-ip akornanni tusagassiorfeqarnermut sunnuteqarsimanngitsoq, taamaattorli piumasaqaatit arlallit tusagassiorfinnik amerlasuunik assigiinngisitaartunillu peqarnissamut ikorfartuinissamut aaqqissuussinerup periarfissaanik sunnuteqartut. Tassunga atatillugu inassutigineqarpoq piumasaqaatit taakku isumaliutigeqqinneqassasut. Aammattaaq allanneqarluni tusagassiorfinnut tapiissuteqartarnermik aaqqissuussineq siunertaminik naammassinnissimanersoq taamanikkut inerniliiffigineqarsinnaasimanngitsoq. Aammattaaq marlunnut avitsisimaneq aaqqissuussinerup siunertaanut naleqqiullugu qanoq sunnuteqarsimanersoq naliliiffigineqarsinnaanani. Tamatumunnga pissutaasimavoq tusagassiorfinnut tapiissuteqartarnermik aaqqissuussinermik pingaartumillu suliniutinut tapiissutinik annikitsuararsuarnik atuisimaneq. Aammattaaq allanneqarluni tusagassiorfinnut tapiissutit pillugit qinnuteqarsinnaanermut arlalinnik piumasaqaateqartoq. Piumasaqaatit taakku ilai aaqqissuussinermik iluaquteqarsinnaanermut piviusumik aporfittut misigineqarput. Tamatuma saniatigut pingaartumik tusagassiorfeqarfinnut taamaattumillu tusagassiorfinnut tapiissuteqartarnermik aaqqissuussinermut sunnuteqartunik takusanik arlalinnik allanik peqarpoq.

Aporfinnik misigineqartunik takusanillu allanik nalilersuineri qulaajaaneq tunuliaqutaralugu tusagassiorfinnut tapiissuteqartarnermik aaqqissuussinerup nukittorsarnissaanut innersuussinerit arlallit saqqummiunneqarput, pingaartumik suliniutinut tapiissuteqartarnermut naleqqiullugu.

Taamanikkut Kultureqarnermut, Ilinniartitaanermut Ilageeqarnermullu Naalackersuisoqarfik nalilersuineri inassuteqaatinik malitseqartitsivoq, ilaatigut aaqqissuussinerup internettimi malugeqquneratigut. Taamaakkaluartoq ukiualuit tamatuma kingorna suli paasineqarsinnaavoq suliniutinut tapiissuteqartarneq siunertaq malillugu ingerlanngitsoq, naatsorsuutigineqarnanilu siunissami aamma taamaakkumaartoq. Peqatigisaanik paasineqarpoq inatsit akuerineqarmalli suliniutinut tapiissutit immikkoortinneqarsimasut tunniunneqarnissaannut taarsiullugu IT-qinnuteqarnikkut ingerlatsinermi tapiissutit immikkoortitanut nuunneqarsimallutik.

2. Siunnersuummi immikkoortut pingarnerit

a) Inatsisit atuuttut

Inatsit atuuttoq tassaavoq tusagassiorfinnut tapiissuteqartarneq pillugu Inatsisartut inatsisaat nr. 20, 28. november 2016-imeersoq. Inatsisartut inatsisaanni siunertaavoq tamat oqartussaaqataanerisa aamma tamat oqallinnissaasa periarfissaqarnerulernissaat siunertaralugu nutaarsiassat inuiaqatigiinnut piorsarsimassutsimullu pingaaruteqartut tamatigoortuullutik amerlallutillu neqeroorutaanissaasa pingaarnertigut qulakkeerinniffiginissaat siuarsarnissaallu.

Inatsisartut inatsisaanni § 1, imm. 1-imi aalajangerneqarpoq tusagassiorfinnut tapiissutit suliniutinut tapiissutit imaluunniit ingerlatsinermut tapiissutit tapiissutigineqassasut. Tapiissuteqarnerit taakku marluk qanoq paasisariaqarnerisut inatsimmi § 1, imm. 2-mi aamma 3-mi nassuiarneqarput. Tamanna pillugu aalajangersarneqarpoq suliniummut tapiissutit imatut paasineqassasut ingerlataq aalajangersimasumik anguniagaqarluni inerneqartilluguluunniit piffissami killilikkami ingerlanneqartoq aamma ingerlatsinermut tapiissutit imatut paasineqassasut ingerlaavartumik ingerlatsinermi aningaasartuutinut, tassunga ilanngullugit sulisunut ininullu aningaasartuutinut, matusissutissatut tapiissutit.

Inatsisartut inatsisaanni aamma § 1, imm. 4-mi aalajangerneqarpoq suliniutinut tapiissutinut ingerlatsinermullu tapiissutinut aningaasaliissutit aningaasanut inatsimmi aalajangersarneqartut iluanni tapiissutigineqartassasut.

Kiisalu § 3-mi tapiissutaasartunut marlunnut piumasaqaatit ataatsimoorussat uku aalajangersarneqarlutik:

"§ 3. Tapiiffigineqassagaanni piumasaqaataapput:

- 1) tusagassiorfik Kalaallit Nunaanni angerlarsimaffeqassaaq,
- 2) tusagassiorfik piffissami tapiiffigineqarfimmi tamarmi akisussaasumik aaqqissuisoqassaaq,
- 3) ukiumi qinnuteqarfiusumi ukiorluunniit qinnuteqarfik sioqqullugu suliffeqarfik qinnuteqartup aallartissimanngippagu tusagassiorfik akisussaalluni aaqqissuisoq peqatigalugu minnerpaamik ukioq tamaat suliffiusunik pingasunik katillugit tiimeqartunik aaqqissuussisartunik sulisoqassaaq,
- 4) saqqummersitat politikikkut, inuiaqatigiinnik kulturimillu sammisaqarfiunerusunik tusagassiorfik suliarisaannik tusagassianik imaqassapput, tassani takoqqusaarutit ilanngunnagit imarisaata ikinnerpaamik affai sammisaqarfiit assigiinngiaartut pillugit ilanngutassianik aamma nutaarsiassanik oqallisigineqartunik sammisaqarluni aaqqissuisuneersunik tusagassianik imaqassapput,
- 5) inuussutissarsiorfik sulianilluunniit suliarinnittartut, sulisut, sulisitsisut inuussutissarsiuulluunniit immikkoortuisa kattuffii, politikikkut partiit sulisoqarfinniluunniit assigiinngitsuni sulisut kisiisa saaffigiinnarnagit atuisunut assigiinngiaartunut saqqummersitat saaffiginnittuussapput, aamma
- 6) saqqummersitat minnerpaamik kalaallisut allassimassapput.

Imm. 2. Tapiissuteqarnermi tapiissutinut atasunik piumasaqaateqartoqarsinnaavoq."

§§ 4-5-imi suliniutinut tapiissutit atuuffii tapiissuteqarnissamullu piumasaqaatit pillugit aalajangersakkat aalajangersarneqarput.

§ 4-mi aalajangersarneqarpoq suliniutinut allaganngorlugit, tassunga ilanngullugit internetikkut, inuiaqatigiini paasissutissanik, tamat oqartussaaneranni oqallinnermik ingerlatitseqqiisernerit tusagassiorfiillu tamatigoortut siuarsarnissaannik siunertaqartunut suliniutinut tapiissuteqartoqarsinnaavoq.

§ 5, imm. 1-imi aalajangersarneqarpoq suliniutit pilersinnerannut ineriartortinnerannulluunniit tapiissuteqartoqartassasoq.

§ 5, imm. 2-mi aalajangersarneqarpoq pilersitsinermut tapiissutit suliniutinut, tassunga ilanngullugit nutaarsiassanik tusagassiorfinnik pilersitsinermut, tusagassianik tusagassiorlut nammineerlutik suliarisaannik ingerlatitseqqiisarnermik siunertaqartunut tapiissutigineqartassasut.

§ 5, imm. 3-mi aalajangersarneqarpoq ineriartortitsinermut tapiissutit tusagassiorfiit pioreersut, nammineertut allannortinnissaannik ineriartortinnissaanniluunniit siunertaqarluni suliniutinut tapiissutigineqartassasut.

Aammattaaq imm. 4 naapertorlugu aamma suliniutit imm. 2-mi 3-miluunniit ilaasut pillugit misissueqqaarnernut tapiissuteqartoqarsinnaasoq.

Kiisalu § 5, imm. 5-imi aalajangersarneqarluni tusagassiorfiit pineqartut ingerlatsinerannut tapiissuteqarnikkut ataatsimut isigalugu tusagassiassanik suliaqarnermut tapiissuteqartoqarsinnaanngitsoq.

§§ 6-8-mi suliniutinut tapiissutinut tapiiffigineqarnissamut piumasaqaatit pillugit aalajangersakkanik aalajangersaasoqarpoq.

§ 6-imi aalajangersarneqarpoq suliniutinut, inatsisip atuuffiata iluaniittunut, kapitali 2-mi kiisalu §§ 7, 8 aamma 11-mi piumasaqaatit eqqortinneqarpata, tapiiffigineqarsinnaatitaasunut missingersuutit 70 %-ii tikillugit tapiissuteqartoqarsinnaasoq.

Peqatigisaanik § 7-imi suliniutinut tapiiffigineqassagaanni piumasaqaatit aalajangersimasut arlallit aalajangersarneqarput. Taamaalilluni piumasarineqarpoq:

- tusagassiuut minnerpaamik qaammammut ataasiarluni saqqummertassaaq, imaluunniit internetikkut tusagassiuut pineqarpat ullut tamaasa nutarterneqartassalluni,
- tusagassiuut atuisunut assigiimmik atugassaqartitsilluni tamanillu pissarsiarineqarsinnaalluni nuna tamakkerlugu pissarsiarineqarsinnaassaaq,
- qinnuteqartoq tusagassiorfik pillugu aningaasatigut imminut napatissinnaasumik ingerlatsinermut pilersaarummik saqqummiissaaq, aamma

- qinnuteqartoq tapiissuteqarnermi piumasaqaataasinnaasunik eqqortitsissaaq.

Aammattaaq § 8-mi suliniutip ataatsip tapiissutininik qasseriarluni pissarsisinnaaneranut qummut killiliisoqarluni:

§ 8. Suliniut tapiiffigineqartoq, suliniut suli naammassisimangippat, marloriarluni tapiiffigeeqqinneqarsinnaavoq.

Imm. 2. Tusagassiorfik ataaseq ukiumi ataatsimi ataaseq qaangerlugu suliniutitut tapiiffigineqarnissamik qinnuteqarpat, qinnuteqaatit pingaarnersiorlugit tulleriinnilersorlugit tunniunneqassapput.

Aammattaaq § 9-mi aalajangersarneqarpoq agguaassisarnermut ataatsimiititaliamik Naalakkersuisut pilersitsissapput, taassumalu ukiumoortumik ataatsimiinnermi suliniutitut tapiissutininik qinnuteqaatit tiguneqarnikut suliarisassavai tapiissuteqarnissarlu pillugu aalajangiisassalluni. Imm. 2-mi aalajangersakkami aalajangersarneqarpoq ataatsimiititaliap suleriaasia Naalakkersuisut aalajangersassagaat. Kiisalu imm. 3-mi aamma imm. 4-mi aalajangersarneqarluni ataatsimiititaliap aalajangiineri allaffissornermi oqartussanut allanut suliassanngortinneqarsinnaanngitsut aamma Naalakkersuisut ataatsimiititaliamut allatseqartitsissasut.

Tamatuma saniatigut § 10-mi ataatsimiititaliamut inassuteqarneq toqqaanerlu, ilaasortat amerlassusissai, piginnaasaqarnissamut piumasaqaatit, piffissaq toqqaaffiusoq kiisalu akissarsiaqartitsineq angalanermilu aningaasartuutitut ajunngitsorsiassat pillugit malittarisassanik aalajangersaasoqarpoq.

§§ 15-imi aamma 16-imi ingerlatsinermit tapiissutit atuuffii tapiissutisinissamullu piumasaqaatit pillugit aalajangersakkanik aalajangersaasoqarpoq.

§ 15-imi aalajangersarneqarpoq nuna tamakkerlugu tusagassiuutitut naqitanut inuiaqatigiinni paasissutissanik, tamat oqartussaaneranni oqallinnernik ingerlatitseqqisarnepup tamatigoortumillu tusagassiiarnermik siuarsaanissamut siunertaqartunut suliaqarnermut ataatsimut isigalugu tapiissutininik ukiumoortumik ingerlatsinermit Naalakkersuisut tapiissuteqarsinnaapput.

§ 16-imi aalajangersarneqarpoq ingerlatsinermit tapiissuteqarfigineqarnissamut piumasaqaataapput:

- 1) tusagassiuut minnerpaamik qaammammut ataasiarluni nuna tamakkerlugu saqqummertassaaq,
- 2) ingerlatsinermit tapiiffigineqarnissamik qinnuteqaat tamanna pillugu § 17, imm. 1 naapertorlugu piffissarititatu aalajangersarneqartup iluani Naalakkersuisut tigusimassagaat, aamma

3) kingusinnerpaamik tapiiffigineqarnissamik qinnuteqaateqartoqarnera peqatigitillugu qinnuteqartup naatsorsuutai kukkunerisiuisumit oqaaseqaateqarfigineqarnikut kingulliit paasissutissallu pisariaqartut Naalakkersuisut tigusimassagaat, tak. § 17, imm. 2 aamma 3. Aammattaaq Inatsisartut inatsisaanni § 18, imm. 1-imi aalajangersarneqarluni ingerlatsinermut tapiissutitut aningaasaliissutit immikkoortitanut marlunmut agguarneqarsinnaasut, agguarneri aningaasanut inatsimmi aalajangersarneqarlutik. Immikkoortitani siullermiipput tusagassiuutinut minnerpaamik sapaatip akunneranut ataasiarlutik saqqummersartunut tapiissutit. Agguagassat aappaaniipput tusagassiuutinut sapaatip akunneranut ataasiarlutik akuttunerusumit minnerpaamilli qaammammut ataasiarlutik saqqummersartunut tapiissutit.

§ 18, imm. 2-mi aalajangersarneqarpoq ingerlatsinermut tapiissutit tusagassiuutit ataasiakkaat ukiumi tapiissuteqarfiusumi aningaasat agguagassat iluanni saqqummersitat tapiiffigineqarsinnaatitaasut amerlassusaannut tamarmiusunut sanilliullugu tapiissuteqarnissamut piumasaqaatinik eqqortitsilluni ukiumi tapiissuteqarfiusumi saqqummersitaasa amerlassusaat tunngavigalugu agguanneqartassasut.

§ 18, imm. 3-mi aalajangersarneqarpoq aningaasaliissutit tamarmiusut qinnuteqartuni minnerpaamik ataasiinnarluunniit tapiissuteqarnissamut piumasaqaatinik eqqortitsippat atugassanngortinneqartassasut.

Tamatuma saniatigut qinnuteqartarnek, naatsorsuutinut kukkunerisiuinissamullu piumasaqaatit, allaffissornikkut aqutsineq, nakkutilliineq pineqaatissiinerlu pillugit malittarisassaqarpoq.

b) Siunnersuut

Siunnersuummiipput pingaarnertigut suliniutinut tapiissutit pillugit malittarisassat atorunnaarsinneri. Tamatuma kingorna Inatsisartut inatsisaanni taamaallaat ingerlatsinermut tapiissutit pillugit malittarisassat pineqalerput.

Aalajangersakkat atorunnaartut tassaapput suliniutinut tapiissutit atuuffii aamma nassuiaatit, tapiissutisinissamullu piumasaqaatit pillugit malittarisassat, suliniutinut tapiissutinik qinnuteqarnermi suleriaaseq aamma suliniutinut tapiissutisinerlutik atatillugu naatsorsuutit kukkunerisiuinerlu pillugit malittarisassat.

Tamatuma kingunerisaanik § 1, imm. 2-mi, § 2, imm. 5-imi, aamma §§ 15 aamma §§ 20-22-mi aalajangersakkat kiisalu kapitali 2 aamma 3-mi kapitalit tamarmiusut ataasiakkaat atorunnaarput, aalajangersakkallu arlallit ingerlatsinermut tapiissutinik taamaallaat malittarisassaqtitsinissaq siunertaralugu iluarsineqarlutik. Tassani pineqarput § 1, § 2, imm. 1, § 16 aamma § 23.

Kiisalu siunnersuummi § 2-mi aalajangersarneqarluni siunnersuut ulloq 1. januar 2023-mi atulissasoq.

3. Pisortanut aningaasaqarnikkut allaffissornikkullu kingunissai

Aningaasanut inatsimmi kontumi pingaarnermi 40.94.28 Nunatsinni tusagassiutinut naqitanut suliniutinut tapiissutini (Tapiissutitut aningaasaliissutit) suliniutinut tapiissutinut aningaasaliissutit immikkoortinneqarsimapput. 2022-mut aningaasanut inatsimmi aningaasaliissutit 532.000 kr.-upput.

Aningaasanut inatsimmi kontumi pingaarnermi 40.94.29 Nunatsinni tusagassiutinut naqitanut ingerlatsinermut tapiissutini (Tapiissutitut aningaasaliissutit) ingerlatsinermut tapiissutinut aningaasaliissutit immikkoortinneqarsimapput. 2022-mut aningaasanut inatsimmi aningaasaliissutit 767.000 kr.-upput.

Suliniutinut tapiissutinik tapiisoqartarunnaarpat aamma tamatumunnga aningaasanut inatsimmi aningaasaliissutinik immikkoortitsisoqarunnaassaaq.

Inatsisartut tassaammata tusagassiorfinnut tapiissutit annertussusissaannik aningaasanut inatsimmi aalajangiisartut siunnersuut namminermi pisortanut aningaasaqarnikkut imaluunniit allaffissornikkut kinguneqartitsissanngilaq.

Suliniutinut tapiissutit Inatsisartut inatsisaata akuerineqarneranili aningaasaliissutigineqarsimanngikkaluartut siunnersuut piumasarineqartutut allaffissornikkut kinguneqartitsissaaq agguaassisarnermi ataatsimiititaliap atorunnaarsinneqarneratigut, peqatigisaanillu ataatsimiititaliamut allattoqarfikkut ikiuunnissamut Naalakkersuisut pisussaaffiat atorunnaassalluni. Taamaaqataanik ataatsimiititaliap akissarsiaqartinnissaanut angalanermini aningaasartuutinut ajunngitsorsiaqartitsinissamut pisussaaffik, tak. Inatsisartut inatsisaanni § 10, imm. 4, aamma atorunnaassalluni.

4. Inuussutissarsiortunut aningaasarsiornikkut allaffissornikkullu kingunissai

Siunnersuut inuussutissarsiortunut aningaasartuutinik kinguneqartitsissanngilaq, tassa suliniutinut tapiissutit eqqaaneqartutut ukiuni arlalinni tapiissutigineqarsimanngimmata.

5. Avatangiisinut, pinngortitamut inuillu peqqissusaannut kingunissai

Inatsisissatut siunnersuut avatangiisinut pinngortitamullu imaluunniit inuiaqatigiit peqqissuunerannut kinguneqassanngilaq.

6. Innuttaasunut kingunerisassat

Siunnersuut innuttaasunut kinguneqassanngilaq.

7. Siunnersuutip kingunerisinnaasai pingaarnertit allat

Inatsisissatut siunnersuut allatigut pingaarutilinnik kinguneqassanngilaq.

8. Pisortanik aamma kattuffinnik il.il. tusarniaaneq

Inatsisissatut siunnersuut piffissami 15. marts 2022-mit 12. april 2022-mut tusarniaassutigineqarsimavoq. Tusarniaarneq pillugu oqaaseqaatinut ilanngussaq 2-mut innersuussisoqarpoq.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersagaq Inatsisartut inatsisaanni atuuttumi § 1-imi aamma § 15-imi oqaasertaanit katiterneqarpoq, taamaalilluni Inatsisartut inatsisaanni atuuttumi § 1-imi suliniutinut tapiissutinut innersuussinerit tamarmik atorunnaarlutik.

Aalajangersakkami imm. 2 tassaavoq Inatsisartut inatsisaanni atuuttumi § 1, imm. 3-mik ingerlatitseqqinneq, Inatsisartut inatsisaanni atuuttumi § 15-imiit "suliaqarnermut ataatsimut isigalugu tapiissutit" ilassutigalugit. Tamatuma saniatigut Inatsisartut inatsisaanni atuuttumi § 1, imm. 4 ilaannakuusumik imm. 1-imut ilanngunneqarpoq.

§ 15-i ilutigalugu peerneqarmat § 1, imm. 1-imi erseqqissarneqarpoq tapiissutinik tunniussisinnaatitaaneq Naalakkersuiniimmat.

Nr. 2-mut

Aalajangersakkamut pissutaavoq Inatsisartut inatsisaanni atuuttumi § 2, imm. 1-imi pineqarmata naqitanngorlugit aamma internetti tunngavigalugu allatanik nutaarsiassanik oqallisaasunillu tusagassiorfiit. Allannguisoqanngippat internetti tunngavigalugu nutaarsiassanut oqallisaasunillu tusagassiorfinnut ingerlatsinermi tapiisoqartassaaq, tusagassiorfik qaammammut ikinnerpaamik ataasiaannarluni naqitanngorluni saqqummersimappat. Taamaattumik "internetimiluunniit allatat" aalajangersakkami peerneqarpoq.

Nr. 3-mut

Nr. 2-mut nassuiaatit allanneqartut nanginnerini siunnersuutigineqarpoq Inatsisartut inatsisaanni atuuttumi § 2, imm. 5 atorunnaarsinneqassasoq. Aalajangersagaq internettimik tunngaveqartumik allatanik tusagassiorfiit pillugit nassuiaammik imaqarpoq.

Aalajangersakkamut pissutaavoq tusagassiorfinnut tapiissutit suliniutinut tapiissutit pillugit malittarisassat atorunnaarsinnerisa kingunerisaanik siunissami taamaallaat naqitanik tusagassiorfinnut ingerlatsinermi tapiissutitut tapiissutaalernissaat. Aalajangersagaq taamaalilluni § 2, imm. 1-ip nutaamik siunnersuutigineqartutut oqaasertalernerata kinguneraa, "internettimik tunngaveqartumik allatanik tusagassiorfiit" peerneqarmata. Tamatuma kingunerisaanik aamma internettimik tunngaveqartumik allatanik tusagassiorfiit nassuiarnissaat pisariaqarunnaarluni.

Nr. 4-mut

Aalajangersakkap kingunerisaanik Inatsisartut inatsisaanni atuuttumi kapitalit marluk atorunnaarsinneqarput. Tassani pineqarput kapitali 2, tapiissutininut ataatsimut piumasaqaatinut tunngasoq aamma kapitali 3, suliniutinut tapiissutininut taamaallaat tunngasuusoq.

Inatsisartut inatsisaanni atuuttumi kapitali 2, tassa § 3, aamma ingerlatsinermut tapiissutinik sammisaqartoq, tamatuma nanginneratut Inatsisartut inatsisaanni atuuttumi § 16-imi ilanngunneqarpoq, erseqqinnerusumik takuuk siunnersuummi nr. 7 ataaniittoq.

Nr. 5-imut

Aalajangersagaq tusagassiorfinnut tapiissutit siunissami taamaallaat ingerlatsinermut tapiissutitit aningaasaliissutigilernissaannut atatillugu isigineqassaaq, taamaattumik kapitalip immikkut ingerlatsinermut tapiissutininut tunngasuuneranik uparuaanissap pisariaqarnera nalilerneqarnani. Peqatigisaanik tulluurtut isigineqarpoq kapitalimi qulequttami immikkoortup qulequtaata ilaatinissaa.

Nr. 6-imut

Tassani pineqarpoq kingunerisaanik allanngueq, Inatsisartut inatsisaanni atuuttumi § 15-ip § 1-imi nutaami ilanngunneqarnissaa siunnersuutigineqarluni, tak. siunnersuummi nr. 1-imi nassuiaatini allanneqarsimasut.

Nr. 7-imut

§ 15-i § 1-imut annertuumik assingummat § 15 peerneqarpoq.

Nr. 8-mut

Tusagassiorfinnut tapiissutit ingerlatsinermut tapiissutitit taamaallaat tapiissutit siunissami taakkuinnaalernissaat pissutigalugu Inatsisartut inatsisaanni atuuttumi § 3-mi tapiissutininut ataatsimut piumasaqaatini piumasaqaatit aamma Inatsisartut inatsisaanni atuuttumi § 16-imi piumasaqaatit ingerlatsinermut tapiissutininut tunngasunut immikkoortinnissaat pisariaqarunnaarpoq.

Taamaattumik siunnersuutigineqarpoq piumasaqaatit § 16-imi ataatsimoortillugit ilanngunneqassasut, tassani imm. 1, nr. 1-6 tassaallutik Inatsisartut inatsisaanni atuuttumi § 3, imm. 1-imiittut.

Nr. 9-mut

Suliniutinut tapiissutit taassumalu ataaniittup agguaassisarnermut ataatsimiittitaliamut aalajangersakkat atorunnaarsinnerisigut kapitali 5-imut qulequtaq allanngortinneqarpoq. Tamatuma kingorna kapitali 5-i allaffissornermut tusagassiorfinnullu tapiissuteqartarnek ingerlatsinermut tapiissutitit pillugu nakkutilliinermut taamaallaat tunngassuteqalissaaq.

Nr. 10-mut

Aalajangersagaq tassaavoq suliniutitut tapiissutit atorunnaarnerisa malitsigisaanik allannguneq, tamatumalu assigalugu Inatsisartut inatsisaanni atuuttumi kapitali 5-imi §§ 20-22-p atorunnaarsinneri. Taanna ilutigalugu § 23-mut qulequtaq peerneqarpoq, ingerlatsinermut tapiissutit pineqartut erseqqissassallugu pisariaqarunnaarmat Inatsisartut inatsisaanni suliniutitut tapiissutit ilaajunnaarnerisigut.

§ 2-mut

Aalajangersakkami siunnersuutip atuutiferfissaa allanneqarpoq. Piffissap atorunnaarsitsiviusussap kingunerisaanik inatsisip allanngortinneqarnera 2023-p aallartinneraniit sunnuteqalissaaq, tamannalu aningaasaliissuteqarnikkut aamma allaffissornikkut peqquteqarluni.

Ilanngussaq 1

Siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Inatsisissatut siunnersuut</i>
	§ 1
	Tusagassiorfinnut tapiissuteqartarneq pillugu Inatsisartut inatsisaat nr. 20 18. november 2010-meersoq imaattunik allannguuteqarpoq:
<p>§ 1. Suliniutitut tapiissutitut ingerlatsinermullu tapiissutitut qinnuteqartoqareerneratigut tusagassiuutitut tapiissuteqartoqarsinnaavoq.</p> <p><i>Imm. 2.</i> Suliniummut tapiissutit imatut paasineqassaaq ingerlataq aalajangersimasumik anguniagaqarluni inerneqartilluguluunniit piffissami killilikkami ingerlanneqartoq.</p> <p><i>Imm. 3.</i> Ingerlatsinermut tapiissutit imatut paasineqassaaq ingerlaavartumik ingerlatsineri aningaasartuutitut, tassunga ilanngullugit sulisunut ininullu aningaasartuutitut, matusissutissatut tapiissutit.</p> <p><i>Imm. 4.</i> Suliniutitut tapiissutitut ingerlatsinermullu tapiissutitut</p>	<p>1. § 1 imatut oqaasertalerneqarpoq:</p> <p>" § 1. Inuiaqatigiinnut paasissutissanik ingerlatitseqqinnermik, inuinnaat naalackersueqataaneranni oqallinnermik tusagassiornermilu tamatiguussusermik siuarsaanermi siunertaqartunut nuna tamakkerlugu, naqitanngorlugit tusagassiorfinnut ukiumoortumik ingerlatsinermut tapiissutitut, aningaasanut inatsimmi aningaasaliissutit aalajangersimasut iluini qinnuteqartoqareerneratigut Naalackersuisut tusagassiuutitut tapiissuteqartoqarsinnaavoq.</p> <p><i>Imm. 2.</i> Ingerlatsinermut tapiissutit imatut paasineqassaaq ingerlaavartumik ingerlatsineri aningaasartuutitut, tassunga</p>

<p>anigaasaliissutit anigaasanut inatsimmi aalajangersarneqartut iluanni tapiissutigineqartassapput.</p>	<p>ilanngullugit sulisunut ininullu anigaasartuutitut, nalinginnaasumik aallakaatitassiornermut tapiissutit."</p>
<p>§ 2. Nutaarsiassanik oqallisaasunillu tusagassiorfinnut namminersortunut, sumulluunniit attuumassuteqanngitsunut, naqitanngorlugit internetimiluunniit allatanik, imarisaannik Kalaallit Nunaanni atuartartunut aaqqissuisartunut nunaniluunniit allani pisunik Kalaallit Nunaanni pissutsinut tunngassuteqartitsisartunut tapiissuteqartoqarsinnaavoq.</p>	<p>2. § 2, imm. 1, imatut oqaasertalerneqarpoq: " Nutaarsiassanik oqallisaasunillu tusagassiorfinnut namminersortunut, sumulluunniit attuumassuteqanngitsunut, naqitanngorlugit allatanik, imarisaannik Kalaallit Nunaanni atuartartunut aaqqissuisartunut nunaniluunniit allani pisunik Kalaallit Nunaanni pissutsinut tunngassuteqartitsisartunut tapiissuteqartoqarsinnaavoq."</p>
<p><i>Imm. 5.</i> Internetikkut tusagassiat allassimasut imatut paasineqassapput internetikkut tusagassiat imarisaat allataaerusut. Assit nipillu imarisaannik tapersiigunik annikinnerusumik ilaasinnaapput.</p>	<p>3. § 2, imm. 5, atorunnaarsinneqarpoq.</p>
<p style="text-align: center;">Kapitali 2 <i>Tapiissuteqarnissamut ataatsimut piumasaqaatit</i></p> <p>§ 3. Tapiiffigineqassagaanni piumasaqaataapput: 1) tusagassiorfik Kalaallit Nunaanni angerlarsimaffeqassaaq, 2) tusagassiorfik piffissami tapiiffigineqarfimmi tamarmi akisussaasumik aaqqissuisoqassaaq, 3) ukiumi qinnuteqarfiusumi ukiorluunniit qinnuteqarfik sioqqullugu suliffeqarfik qinnuteqartup aallartissimanngippagu tusagassiorfik akisussaalluni aaqqissuisoq peqatigalugu minnerpaamik ukioq tamaat suliffiusunik pingasunik katillugit tiimeqartunik aaqqissuussisartunik sulisoqassaaq, 4) saqqummersitat politikkikkut, inuiaqatigiinnik kulturimillu sammisaqarfiunerusunik tusagassiorlut namminneq suliarisaannik tusagassianik imaqqassapput, tassani takoqqusaarutit ilanngunnagit imarisaata ikinnerpaamik affai sammisaqarfiit assigiinnngiaartut pillugit</p>	<p>4. Kapitali 2 aamma 3 atorunnaarsinneqarput.</p>

ilanngutassianik aamma nutaarsiassanik
oqallisigineqartunik sammisaqarluni
aaqqissuisuneersunik tusagassianik
imaqassapput,
5) inuussutissarsiortut sulianilluunniit
suliarinnittartut, sulisut, sulisitsisut
inuussutissarsiutilluunniit immikkoortuisa
kattuffii, politikikkut partiit
sulisoqarfinniluunniit assigiinngitsuni sulisut
kisiisa saaffigiinnarnagit atuisunut
assigiinngiiaartunut saqqummersitat
saaffiginntuussapput, aamma
6) saqqummersitat minnerpaamik kalaallisut
allassimassapput.
Imm. 2. Tapiissuteqarnermi tapiissutinut
atasunik piumasaqaateqartoqarsinnaavoq.

Kapitali 3 *Suliniutinut tapiissutit*

Atuuffia

§ 4. Suliniutinut allaganngorlugit, tassunga
ilanngullugit internetikkut, inuiaqatigiini
paasissutissanik, tamat oqartussaaneranni
oqallinnermik ingerlatitseqqiisarnerit
tusagassiorfiillu tamatigoortut
siuarsarnissaannik siunertaqartunut
suliniutinut tapiissuteqartoqarsinnaavoq.

§ 5. Suliniutit pilersinnerannut
ineriartortinnerannulluunniit
tapiissuteqartoqartassaaq.

Imm. 2. Pilersitsinermut tapiissutit
suliniutinut, tassunga ilanngullugit
nutaarsiassanik tusagassiorfinnik
pilersitsinermut, tusagassianik tusagassior
tut nammineerlutik suliarisaannik
ingerlatitseqqiisarnermik siunertaqartunut
tapiissutigineqartassapput.

Imm. 3. Ineriartortitsinermut tapiissutit
tusagassiorfiit pioreersut, nammineertut
allannortinnissaannik
ineriartortinnissaanniluunniit siunertaqarluni
suliniutinut tapiissutigineqartassapput.

Imm. 4. Aamma suliniutit imm. 2-mi 3-
miluunniit ilaasut pillugit
misissueqqaarnernut
tapiissuteqartoqarsinnaavoq.

Imm. 5. Tusagassiorfiit pineqartut

ingerlatsinerannut tapiissuteqarnikkut
ataatsimut isigalugu tusagassiassanik
suliaqarnermut
tapiissuteqartoqarsinnaangilaq.

Tapiissuteqarnissami piumasaqaatit

§ 6. Suliniutinut, inatsisip atuuffiata
iluniittunut, kapitali 2-mi kiisalu §§ 7, 8
aamma 11-mi piumasaqaatit
eqqortinneqarpata,
tapiiffigineqarsinnaatitaasunut
missingersuutit 70 %-ii tikillugit
tapiissuteqartoqarsinnaavoq.

§ 7. Suliniutinut tapiiffigineqassagaanni
piumasaqaataapput :

- 1) tusagassiuut minnerpaamik
qaammammut ataasiarluni
saqqummertassaaq, imaluunniit internetikkut
tusagassiuut pineqarpat ullut tamaasa
nutarterneqartassalluni,
- 2) tusagassiuut atuisunut assigiimmik
atugassaqartitsilluni tamanillu
pissarsiarineqarsinnaalluni nuna
tamakkerlugu pissarsiarineqarsinnaassaaq,
- 3) qinnuteqartoq tusagassiorfik pillugu
anigaasatigut imminut napatissinnaasumik
ingerlatsineranut pilersaarummik
saqqummiissaaq, aamma
- 4) qinnuteqartoq tapiissuteqarnermi
piumasaqaataasinnaasunik eqqortitsissaaq.

§ 8. Suliniut tapiiffigineqartoq, suliniut
suli naammassisimanngippat, marloriarluni
tapiiffigeqqinneqarsinnaavoq.

Imm. 2. Tusagassiorfik ataaseq ukiumi
ataatsimi ataaseq qaangerlugu suliniutinut
tapiiffigineqarnissamik qinnuteqarpat,
qinnuteqaatit pingaarnersiorlugit
tulleriinnilersorlugit tunniunneqassapput.

Agguaassisarnermut ataatsimiititaliaq

§ 9. Agguaassisarnermut
ataatsimiititaliami Naalakkersuisut
pilersitsissapput, taassumalu ukiumoortumik
ataatsimiinnermi suliniutinut tapiissutinik
qinnuteqaatit tiguneqarnikut suliarisassavai
tapiissuteqarnissarlu pillugu

aalajangiisassalluni.

Imm. 2. Ataatsimiititaliap suleriaasia Naalakkersuisut aalajangersassavaat.

Imm. 3. Ataatsimiititaliap aalajangiineri allaffissornermi oqartussanut allanut suliassanngortinneqarsinnaanngillat.

Imm. 4. Naalakkersuisut ataatsimiititaliamut allatseqartitsissapput.

§ 10. Agguaassisarnermut ataatsimiititaliaq pingasunik ilaasortaqaassaaq, taakkulu ukuninnga innersuussinikkut Naalakkersuisunit toqqarneqartassapput:

- 1) Ilisimatusarfik ilaasortamik ataatsimik inuiaqatigiilerinermik ilisimasaqartumik innersuussissaaq.
- 2) Tusagassiuineri Sulisut Peqatigiiffiat ilaasortamik ataatsimik tusagassiuutilerinermik ilisimasaqartumik innersuussissaaq.
- 3) Kalaallit Nunaanni eqqartuussissuserisut peqatigiiffiat ilaasortamik ataatsimik inatsisilerinermik ingerlatsinermilu aningaasaqarnermik ilisimasaqartumik innersuussissaaq.

Imm. 2. Ataatsimiititaliami ilaasortat 18-inik ukioqalereersimassapput, Inatsisartuni, Folketingimi kommunalbestyrelsiniluunniit ilaasortassanik piffissamiillu innersuunneqarfimmit ukiuni kingullerni tallimani Kalaallit Nunaanni tusagassiorfinnut tunngatillugu aningaasatigut atassuteqarsimasassanani. Ataatsimiititaliami ilaasortaq tusagassiorfimmuut taamatut aningaasatigut atassuteqaleruni ataatsimiititaliamit ingerlaannaq tunuassaaq, tamassumalu kingorna imm. 1 naapertorlugu ilaasortamik nutaamik toqqaasoqassalluni.

Imm. 3. Ataatsimiititaliami ilaasortat piffissamut ukiunut marlunnut toqqarneqartassapput, taamaattorli tak. § 24, imm.3. Ilaasortat toqqaqqinneqarsinnaapput.

Imm. 4. Ataatsimiititaliami ilaasortat Inatsisartuni Naalakkersuisunilu il.il. ilaasortat akissarsiaat il.il. pillugit Inatsisartut inatsisaanni kapitali 7-imi malittarisassat malillugit akissarsiaqassapput, ullormusiaqartassallutik

angalanermullu aningaasartuutininik
taartisiaqartinneqartassallutik.

Qinnuteqartarneq

§ 11. Tapiiffigineqarnissamik
qinnuteqaatit agguaassisarnermut
ataatsimiititaliap allatseqarfiata, tak. § 20,
qaammatisiutit malillugit ukiumi suliniutip
aallartinneqarfiani kingusinnerpaamik 1. maj
tigoreersimassavai.

Imm. 2. Suliniutinut ataasiakkaanut
tapiiffigineqarnissamik
qinnuteqaateqarfiusunut immikkut
qinnuteqaatit nassiunneqartassapput.
Allaganngorlugu qinnuteqaataassaaq.

Imm. 3. Qinnuteqaatinut uku
ilanngunneqassapput:
1) suliniummik immikkuualuttunngorlugu
allaaserinnineq,
2) missingersuutit ingerlatsinermullu
pilersaarut,
3) tusagassiorfiup qinnuteqaateqartup
tusagassiorfik ukiumi
qinnuteqaateqarfiusumi
pilersinneqarsimanngippat qaammatisiutit
malillugit ukiup siuliani naatsorsuutai
aamma
4) qinnuteqartup bankkontoanik
nalunaarutiginnineq.

Naatsorsuutit kukknersiunerlu

§ 12. Tapiiffigineqartut suliniutip
naammassereernerani kingusinnerpaamik
qaammatit pingasut qaangiunneranni
tapiissutit atorineqarsimanerat pillugu
naatsorsuutininik atsiukkanik
nassiussisassapput.

Imm. 2. Kr. 150.000-inik
sinnerlugilluunniit tapiissutisisimagaanni
naatsorsuutit kukknersiuisumit pisortanit
akuerisaasumit imaluunniit
kukknersiuisumit
nalunaarsorneqarsimasumit
kukknersiorneqarsimassapput.

§ 13. Kukknersiunermini ileqqut pitsaasut
naapertorlugit kukknersiuisoqartassaaq.

Imm. 2. Kukknersiunermini ilaatigut

<p>misissorneqassapput:</p> <p>1) tapiissutit siunertamut atorneqarsimanerat,</p> <p>2) tapiissuteqarnermi piumasagaatit eqqortinneqarsimanerat,</p> <p>3) suliniummumut naatsorsuutit eqqortuusut aamma annertuunik kukkuneqanngitsut amigaateqaratillu,</p> <p>4) tapiiffigineqartoq aningaasaqarnermik pisariaqartumik mianerinnissimasoq, taamaalilluni suliniut annertuunik aningaasartuuteqarani ingerlanneqarsinnaasimalluni, aamma</p> <p>5) paasissutissat, tapiiffigineqartup suliniut pillugit Naalakkersuisunut nalunaarutigisai uppersarneqarsinnaasut.</p> <p><i>Imm. 3.</i> Naalakkersuisut naatsorsuutininik misiliillattaarlutik misissuissapput.</p> <p>§ 14. Kr. 150.000 inorlugit tapiissutit pillugit kukkunerisiorneqartassanngilaq.</p> <p><i>Imm. 2.</i> Tapiiffigineqartup atsiornermigut naatsorsuutit pissutsinik takutitsinerat tapiissutillu siunertamut atorneqarsimanerat akisussaaffigissavai.</p> <p><i>Imm. 3.</i> Kr. 150.000 inorlugit tapiiffigineqartoq tapiissuteqartumit ataatsimit arlalinnilluunniit allanit tapiissutisisimaguni tamanna pillugu uppersaammik Naalakkersuisunut nassiussissaaq.</p> <p><i>Imm. 4.</i> Suliniutip naammassineqarneranut nalunaarusiornermi immersugassamik Naalakkersuisut suliarisaannik immersuinissamut nassiussinissamullu Naalakkersuisut tapiiffigineqartoq peqqusinnaavaat.</p>	
<p style="text-align: center;">Kapitali 4 <i>Ingerlatsinermut tapiissutit</i></p>	<p>5. Kapitali 4-imi qulequtaq imatut oqaasertalerneqassaaq: <i>"Tapiissuteqarnermut piumasagaatit, qinnuteqartarneq akilerneqarnerlu"</i></p>
<p style="text-align: center;"><i>Atuuffia</i></p>	<p>6. § 15-imut aamma § 16-imut qulequtaq</p>

<p><i>Tapiissuteqarnissami piumasagaatit</i></p>	<p>peerneqarpoq.</p>
<p>§ 15. Nuna tamakkerlugu tusagassiuutitut naqitanut inuiaqatigiinni paasissutissanik, tamat oqartussaaneranni oqallinnernik ingerlatitseqqiisarnerup tamatigoortumillu tusagassiisarnermik siuarsaanissamut siunertaqartunut suliaqarnermut ataatsimut isigalugu tapiissutinik ukiumoortumik ingerlatsinermut Naalakkersuisut tapiissuteqarsinnaapput.</p>	<p>7. § 15 atorunnaarsinneqarpoq.</p>
<p>§ 16. Ingerlatsinermut tapiissuteqarfigineqarnissamut piumasagaataapput:</p> <ol style="list-style-type: none"> 1) tusagassiuut minnerpaamik qaammammut ataasiarluni nuna tamakkerlugu saqqummertassaaq, 2) ingerlatsinermut tapiiffigineqarnissamik qinnuteqaat tamanna pillugu § 17, imm. 1 naapertorlugu piffissarititatu aalajangersarneqartup iluani Naalakkersuisut tigusimassagaat, aamma 3) kingusinnerpaamik tapiiffigineqarnissamik qinnuteqaateqartoqarnera peqatigitillugu qinnuteqartup naatsorsuutai kukkuneriusumit oqaaseqaateqarfigineqarnikut kingulliit paasissutissallu pisariaqartut Naalakkersuisut tigusimassagaat, tak. § 17, imm. 2 aamma 3. 	<p>8. § 16 ima oqaasertaqassaaq:</p> <p>" § 16. Tapiissuteqarfigineqarnissamut piumasagaataavoq:</p> <ol style="list-style-type: none"> 1) tusagassiorfik Kalaallit Nunaanni angerlarsimaffeqassaaq, 2) tusagassiorfik piffissami tapiiffigineqarfimmi tamarmi akisussaasumik aaqqissuisoqassaaq, 3) ukiumi qinnuteqarfiusumi ukiorluunniit qinnuteqarfik sioqqullugu suliffeqarfik qinnuteqartup aallartissimanngippagu tusagassiorfik akisussaalluni aaqqissuisoq peqatigalugu minnerpaamik ukioq tamaat suliffiusunik pingasunik katillugit tiimeqartunik aaqqissuussisartunik sulisoqassaaq, 4) saqqummersitat politikkikkut, inuiaqatigiinnik kulturimillu sammisaqarfiunerusunik tusagassiorlut namminneq suliarisaannik tusagassianik imaqaassapput, tassani takoqqusaarutit ilanngunnagit imarisaata ikinnerpaamik affai sammisaqarfiit assigiinngiaartut pillugit ilanngutassianik aamma nutaarsiassanik oqallisigineqartunik sammisaqarluni aaqqissuisuneersunik tusagassianik imaqaassapput, 5) inuussutissarsiorlut sulianilluunniit suliarinnittartut, sulisut, sulisitsisut

	<p>inuussutissarsiutilluunniit immikkoortuisa kattuffii, politikikkut partiit sulisoqarfinniluunniit assigiinngitsuni sulisut kisiisa saaffigiinnarnagit atuisunut assigiinngiaartunut saqqummersitat saaffiginnittuussapput,</p> <p>6) saqqummersitat minnerpaamik kalaallisut allassimassapput,</p> <p>7) tusagassiorfik minnerpaamik qaammammut ataasiarluni nuna tamakkerlugu naqitanngorluni saqqummertassasoq,</p> <p>8) qinnuteqarnissamut piffissaliussatut aalajangersarneqartoq nallertinnagu ingerlatsinermut tapiiffigineqarnissamut qinnuteqaat Naalackersuisunit tiguneqareersimassasoq, tak. § 17, imm. 1, aamma</p> <p>9) kingusinnerpaamik tapiiffigineqarnissamik qinnuteqaateqartoqarnera peqatigitillugu qinnuteqartup naatsorsuutai kukkunersuisumit oqaaseqaateqarfigineqarnikut kingulliit uppersaatissallu pisariaqartut Naalackersuisut tigusimassagaat, tak. § 17, imm. 2 aamma 3.</p> <p><i>Imm. 2. Tapiissutinut aningaasaliissutinut atasunik piumasaqaatit piumasarineqarsinnaapput.”.</i></p>
<p style="text-align: center;">Kapitali 5 <i>Allaffissornikkut aqutsineq, nakkutilliineq pineqaatissiisarnerlu</i></p> <p style="text-align: center;"><i>Suliniutinut tapiissutit</i></p>	<p>9. Kapitali 5-imi qulequtaq imatut oqaasertalerneqassaaq:</p> <p style="text-align: center;">“Kapitali 5</p> <p style="text-align: center;"><i>Allaffissornikkut aqutsineq nakkutilliinerlu”</i></p>
<p>§ 20. Tapiissuteqartarnermi aaqqissuussinermik allaffissornikkut aqutsineq agguaaissarnermut ataatsimiititaliamut allatseqarfittut Naalackersuisunit ingerlanneqassaaq.</p>	<p>10. §§ 20-22 atorunnaarsinneqarput taakkunungalugu qulequtaritinneqartoq peerneqarluni.</p>

Imm. 2. Paasissutissat tapiissuteqarnermut tunngaviusut annertuumik allannguuteqarpata tapiiffigineqartoq Naalakkersuisunut ingerlaannaq nalunaaruteqartussaataavoq.

§ 21. Inatsit una tapiissuteqarnermullu piunasaqaataasinnaasut naapertorlugit tapiissutit atornerqarnerannik, suliniutitut tapiissut pillugit malittarisassat eqqortinneqarnerannik agguuassisarnermut ataatsimiititaliaq nakkutilliissaaq.

Imm. 2. Suliniummut tapiiffigineqartumut tunngatillugu agguuassisarnermut ataatsimiititaliap tapiissuteqarfigineqartoq nakkutilliinermut pisariaqartunik paasissutisseeqqusinnaavaa.

§ 22. Tapiissuteqarnermut tunngaviit atorunnaartutut nalilerneqarpata tapiissutit agguuassisarnermut ataatsimiititaliap akilerneqartarunnaarsissinnaavai.

Imm. 2. Imatut pisoqarpat tapiissutitut aningaasaliissutit tamakkiisumik ilaannakortumilluunniit utertillugit akilerneqarnissaat agguuassisarnermut ataatsimiititaliap piunasarissinnaavaa:

- 1) Tapiiffigineqarnermut piunasaqaatit tapiissuteqarfigineqartup eqqortissinnaajunnaarpagit, tassunga ilanngullugit ingerlatassatut ilimagineqartut ingerlassinnaajunnaarpagit.
- 2) Tapiissuteqarnermi aningaasaliissutitut piunasaqaataasinnaasut tapiissuteqarfigineqartup malinngippagit.
- 3) Tapiissuteqarfigineqartoq qinnuteqarnermut uppersaasiornermulluunniit atatillugu eqqunngitsunik salloqittaalluniluunniit paasissutissiisimappat paasissutissanilluunniit pingaaruteqartunik nipangiussisimappat.

<p>4) Tapiissuteqarfigineqartup paasissutissanik suliamut attuumassuteqartunik, tassunga ilanngullugit naatsorsuutunik aamma nalunaarusiornermi immersugassamik immersornikumik, paasissutisseerusunngippat.</p> <p>5) Tapiissuteqarfigineqartoq tapiiffigineqarnissamik qinnuteqaammi missingersuutitut sanilliullugu annikinnerusunik suliniummut atuisimappat.</p>	
<p><i>Ingerlatsinermut tapiissutit</i></p> <p>§ 23. Inatsit una tapiissuteqarnermullu piumasaqaataasinnaasut naapertorlugit tapiissutit atorneqarnerannik, ingerlatsinermut tapiissut pillugit malittarisassat eqqortinneqarnerannik Naalakkersuisut nakkutilliissapput.</p> <p><i>Imm. 2.</i> Ukiumut tapiissuteqarfiusumut tunngatillugu Naalakkersuisut tapiissuteqarfigineqartoq nakkutilliinermut pisariaqartunik qaqugukkulluunniit paasissutisseeqqusinnaavaat.</p>	<p>11. § 23-mut qulequtaritinneqartoq peerneqarpoq § 23-lu imatut oqaasertalerneqassaaq:</p> <p>” § 23. Inatsisartut inatsisaat una tapiissuteqarnermullu piumasaqaataasinnaasut naapertorlugit tapiissutit atorneqarnerannik, tapiissut pillugit malittarisassat eqqortinneqarnerannik Naalakkersuisut nakkutilliissapput.</p> <p><i>Imm. 2.</i> Ukiumut tapiissuteqarfiusumut tunngatillugu Naalakkersuisut tapiissuteqarfigineqartoq nakkutilliinermut pisariaqartunik qaqugukkulluunniit paasissutisseeqqusinnaavaat.”</p>
	<p style="text-align: center;">§ 2</p> <p>Inatsisartut inatsisaat atortuulerpoq ulloq 1. januar 2023.</p>

Tusarniaanermut allakkiaq

Siunnersuut piffissami 15. marts 2022-miit 12. april 2022-mut ukununnga

tusarniaassutigineqarpoq:

Sulisitsisut (GE)

SIK

Kommune Kujalleq

Kommuneqarfik Sermersooq

Qeqqata Kommunia

Avannaata Kommunia

Kommune Qeqertalik

Nuuk Internationale Friskole

NUSUKA

Ilisimatusarfik

TP Kalaallit Nunaanni Tusagassiortut Peqatigiiffiat,

NTK

Sermitsiaq AG

KNR

Kalaallit Atuakkiortut Peqatigiiffiat

Iglo Magazin

qeqqa.gl

Q-offset.

Tusarniaanerup naammassereernerani tusarniaavigineqartunit ukuninnga akissutit tiguneqarput:

Sermitsiaq.ag, Sulisitsisut (GE), Ilisimatusarfimmi ilisimatoq, NTK-mi ilaasortat ilaat Arfivik TV. Kiisalu Dansk Journalistforbundimit Tusagassiuinermik Sulisut Peqatigiiffiannit ataatsimoorussamik tusarniaanermi akissuteqaateqartoqarpoq.

Kiisalu tusarniaanermi akissutini amerlanerni suliniutinut tapiissuteqartarnermut malittarisassat atorunnaarsinneqarnissaannut siunnersuuteqarnermut nalinginnaasumik naammagisimaarinnineq aamma tapersiineq maluginiarneqarpoq.

Aningaasanut inatsimmiittut aningaasat suliniutinut immikkoortinneqarlutik aningaasaliissutigineqarsimasut aningaasanut inatsimmi ingerlatsinermit tapiissutinut siunissami ilanngunneqassasut tusarniaanermi akissuteqaatit arlaqartut aamma kissaatigaat. Tamannali aningaasaqarnermut naalakkersuinikkut tunngassuteqarpoq ukiullu tamaasa aningaasanut inatsisiliornermut tunngassuteqarluni Inatsisartunillu oqartussaaffigineqarluni.

Taamaattumik aningaasat annertussusaannik aaqqiinarneq pillugu matumani siunnersuummi allanngortitsinermik kinguneqanngilaq, taamaallaalli siunertarineqarluni suliniutinut tapiissuteqartarnermut malittarisassat atorunnaarsinneqarnissaat, taamaalluni siunissami tusagassiorfinnut tapiissuteqartarneq ingerlatsinermuinnaq tapiissutinngussalluni. Kisianni Inatsisartut aningaasanut inatsimmi tusagassiorfinnut tapiissuteqartarnermut aningaasaliisinnaaneratt mattunneqanngilaq, taannalu maannakkutulli tusagassiorfinnut tapiissuteqartarnermut ingerlatsinermut tapiissutitut aamma suliniutinut tapiissutitut taakku katillugit aningaasaliinertut aqqinneqarsinnaalluni.

Kiisalu Dansk Journalistforbundip aamma Tusagassiuinermik Sulisut Peqatigiiffiata aammalu Iisimatusarfimmi ilisimatuup ataatsip apeqquserpaat maannakkut Inatsisartut inatsisaanni atuuttoq malittarisassaq tassaasoq tusagassiorfik pappiaqqamut naqitsilluni saqqummersitsisaruni aatsaat ingerlatsinermut tapiissuteqaatinik pinissaminut isiginiarneqarsinnaanngortassasoq. Taaneqartutut siunnersuummi tamanna taaneqanngilaq, tassaallutilli maannakkut Inatsisartut inatsisaanni malittarisassat atuuttut. Pappialamik atuinissamut piumasaqaateqarluni aalajangersaasoqarneranut pissutaavoq, ingerlatsinermut tapiissuteqartarneq tusagassiorfinnut ullut tamaasa saqqummersartunut naatsorsuussaalluni pilersinneqarsimammat, taakkulu ilisarnaatigalugu pappialamut naqinneqarlutik saqqummersinneqartaramik.

Dansk Journalistforbundip aamma Tusagassiuinermik Sulisut Peqatigiiffiata aamma siunnersuutigaat Danmarkimisut agguassinermut ataatsimiititaliamik pilersitsisoqarnissaa, nunatsinni tusagassiorfinnut tapiissuteqartarneq pillugu qinnuteqaatinik suliaqartussamik aamma aningaasat tapiissutigineqartut atorneqarnerannik nakkutilliisussamik. Oqaaseqaat Inatsisartut inatsisaanni tusagassiorfinnut ingerlatsinermut tapiissutitut tapissuteqartarnermut aalajangersakkamut tunngavoq, taassumalu annertussusaa aningaasanut inatsisimmi Inatsisartunit aalajangerneqartarpoq, Naalakkersuisunillu naalakkersuisoqarfikkut pineqartukkat akiliineq isumagineqartarluni.

Tusagassiorfinnut tapiissuteqartarnerup nutaamik allaffissornikkut ingerlanneqarnissaanut pisariaqartitsisoqanngitsoq nalilerneqarpoq, taannalu ukiuni amerlasuuni ingerlatsinermut tapiissutitut akilerneqartarsimalluni. Naalakkersuinermik ingerlatsisut aningaasanik toqqaannartumik aqutsisanninnissaannik periuseqarnissamik pilersitsinermut pingaarnertut tunngavilersuutaavoq ingerlatsinermi tunngavilersuutit suliamut tunngassuteqanngitsut pinngitsoortinneqarnissaannik, soorlu ingerlatsinermut tapiissutinik agguaanermi. Piviusut tunngavilersuutit aallaavigalugit ingerlatsinermut tapiissutinik agguasoqartarpoq, tassanilu eqqoriaalluni tunngavilersuinissaq pinsinnaatitaaffiunngilaq, taamaattumik malittarisassani atuuttuni kinaassusersiortumik nalilersuinissaq periarfissaanngilaq.

Tusarniaanermi akissuteqaatinut skemaliaq ataaniittoq innersuunneqarpoq, tassanilu tusarniaanermi akissuteqaatit tamarmik sammineqarlutik oqaaseqarfigineqarlutillu.

Tusarniaanermi akissuteqaatit siunnersuummut tunngassuteqanngitsut oqaaseqarfigineqanngillat.

	Tusarniarne-qartoq	Oqaaseqaatit	Oqaaseqaatinut nalunaarsuutit
1	Sermitsiaq.AG	Inatsimmik allannguutissamik siunnersuuteqarneq aviisinut nuna tamakkerlugu saqqummersartunut tusagassiorfinnut, suliniutinut tapiissutit aningaasat 500.000-it ingerlatsinermut aningaasartuutinut ingerlaavartumik nuunneqanngippata Sermitsiamut aamma AG-mut annertuumik kinguneqassaaq.	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Tusagassiorfinnut tapiissuteqartarnerup annertussusissaanut siunnersuut tunngassuteqanngilaq. Siunnersuutip taamaallaat kingunerissavaa suliniutinut tapiissutinut aamma ingerlatsinermut tapiissutinut tusagassiorfinnut tapiissuteqartarnerup immikkoortinneqartannginnissaa , taamaallaalli tassaassasoq ingerlatsinermut tapiissut.</p> <p>Toqqaannartumik toqqaannanngitsumilluunniit siunnersuut tusagassiorfinnullu tapiissuteqartarneq atassuteqanngilaq. Tusagassiorfinnut tapiissuteqartarnerup annertussusissaa Inatsisartut kisimiillutik aningaasanut inatsimmik akuersissuteqarlutik oqartussaaffiata ataaniippoq.</p>
1.1	Sermitsiaq.AG	Tusagassiorfiit namminersortut nanertorniarnearput. Tamatigoortumik pituttorsimannngitsumillu nuna tamakkerlugu tusagassiorlut	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Siunnersuummi allannguutissanik siunnersuuteqartoqanngilaq.</p>

		<p>tusagassiorassappata aningaasatigut tapiiffigineqartarnissaq pisariaqarpoq. Nunarput kinguuttunut ilaareerpoq, nunanut avannarlernut naleqqiutissagutsigu. Sanilerput Islandi tusagassiorfinnut namminersortunut innuttaasumut ataatsimut agguaqatigiissillugu 56.000 kr.-nik tapiissuteqartarpoq. Danmarkki 72.000 kr.-nik aningaasaliisarpoq. Nunatsinni 13.000 kr.-t tapiissutigineqartarput. Nunani avannarlerni politikerit qaffasissumik tapiissuteqarnerannut tunngavilersuutigineqarpoq tusagassiorfiit piginnaasallit assigiinngitsut inuinnaat naalackersueqataaneranni oqallinnermi aamma nunat kulturikkut ilisarnaataattut nunarsuarmi ataqatigiikkiartuinnartumi pingaaruteqartoq. Kiisalu nutaarsiassanut eqqunngitsunut inuit attaveqatigiittarfianniittunut pakkersimaartitsinermut pingaaruteqarmata.</p>	<p>Oqaaseqaat aningaanut inatsimmut annertuutigut tunngasuuvoq.</p>
1.2	Sermitsiaq.AG	<p>Tusagassiorfik Mediehuset Sermitsiaq.AG arlaleriarluni erseqqissartarsimavaa KNR nukittoq pisariaqartinneqartoq. Tamassuma tusagassiorfiit unammillertarnerat annertusassavaa, tamannalu</p>	<p>Oqaaseqaat siunnersuummi allannguissamut pissutissaqartitsinngilaq. Siunnersuummi allannguutissanik siunnersuuteqartoqanngilaq</p> <p>Oqaaseqaat siunnersuummut</p>

		<p>innuttaasunut iluaqutaasariaqarpoq. Kisianni pisortat tapiissutaat illuinnaasiortumik agguanneqartariaqanngillat . Assersuutitut tulluurtuunngilaq KNR 70 millionit kronet akileraartartuneersut tunuliaqutaralugit akiliuteqarluni ussasaarutit aallakaatittassappatigut. Tamannami niuerneq tusagassiorfiit namminersortut napassutigisussaavaat.</p>	<p>tunngasuunngilaq, kisiannili radiukkut tv-kkullu aallakaatitsisarneq pillugu Inatsisartut inatsisaat nr. 7, 8. juni 2014-imeersumi § 36, imm. 1-imut tunngasuugunarluni, tassanimi aalajangersarneqarmat KNR-ip ingerlatsinera ilaatigut ussasaarutit atorlugit aningaasalersorneqassasoq.</p>
1.3	Sermitsiaq.AG	<p>2022-mut aningaasanut inatsimmi KNR 2 millioner kr.-nik annertunerusumik aningaasaliiffigineqarpoq. Peqatigisaanik Naalakkersuisut siunnersuummi suliniutinut aningaasaliissutit peernerisigut tusagassiorfinnut namminersortunut tapiissutit annikillisarniarpaat, aalajangerneqanngippat nuna tamakkerlugu aviisinut ingerlatsinermut tapiissutit assigisaanik qaffanneqassasut aalajangerneqanngippat. Eqqortumilli tusagassiorfinnut tapiissutit annertuumik qaffanneqartariaqaraluarput taamaalillutik Islandimi Danmarkimilu pissutsit assigilerlugit. Tusagassiorfiup Mediehusip</p>	<p>Oqaaseqaat siunnersuummi allannguinnissamut pissutissaqartitsinngilaq. Siunnersuummi allannguutissanik siunnersuuteqartoqanngilaq.</p> <p>Oqaaseqaatit siunnersuummut tunngassuteqanngillat. Tusagassiorfinnut tapiissutit suliniutinut tapiissutinut aamma ingerlatsinermut tapiissutinut immikkoortinneqarnerannut isumaqanngilaq tusagassiorfinnut tapiissuteqartarneq annikillisinneqassasut. Tusagassiorfinnut tapiissuteqartarnerup annertussusissaa aningaasanut inatsimmi Inatsisartunit pisarnertut aalajangiiffigineqartassaaq.</p>

		<p>tamanna sakkortuumik kajumissaarutigaa. Iluaqutaassanngilaq namminersortunut atuagassaritinneqartut ataavartumik ajornerulersikkiartuaaraanni peqataanillu tusagassiorfiit pisortat aningaasalersorlugit ingerlataat salliutikkaanni.</p>	
1.4	Sermitsiaq.AG	<p>Tusagassiorfik Mediehuset inuutissarsiutitut aningaasaateqarfimmit imminut pigisumit ingerlanneqarpoq isertitanilu atortarlugit nunatsinni tusagassiorfittut suliffeqarnerup patajaassuseqarnissaanut ineriartortinneqarnissaanullu . Aningaasat akiliutigineqartut uterluartaqaat. Tamanna kinguneqarluartumik kaavititsineq nalorninartorsiortinneqartar poq tusagassiorfiup mediehuset Sermitsiaq.AG-p pisortat aningaasalersugaannik ussassaarisartut unammillissagunigit, tusagassiorfinnut tapiissuteqartarnerup annikillisinneratigut aamma taaneqartutut killeqarfiit akimorlugit teknikkikkut suliffeqarfipiluunersuit nunatsinni “tusagassiorfinnut inoqajuitsunik pilersitsisartut“</p>	<p>Oqaaseqaat siunnersuummi allannguissamut pissutissaqartitsinngilaq. Siunnersuummi allannguutissanik siunnersuuteqartoqanngilaq.</p>

		<p>taaneqartartut akiorniassagunigit. Tamakku eqqumaffigisariaqarput.</p>	
1.5	Sermitsiaq.AG	<p>Erseqqissarneqassaaq tusagassiorfiup Mediehuset Sermitsiaq.AG-p pingaartinnerummagu nammineq aningaasanik isertittakkaminik ingerlatinneqarnissani tusagassiorfinnullu tapiissutinik pisanginnissani. Piviusorli taamaangilaq. Tusagassiorfiit arlaannaannulluunniit atassuteqanngitsut tapiiffiqineqarnissartik pisariaqartippaat. Oqaatsit marluk atorlugit nuna tamakkerlugu aviisit nutaarsiassaqaartitsinermut tamarmut annertuumik pingaaruteqarput. Taakkunani inuiaqatigiinnut pingaaruteqartut qulequttat itisilerneqarsinnaasarput. Pingaaruteqarporlu paasissallugu nutaarsiassat pingaarnerit aviisini nuna tamakkerlugu pisarineqarsinnaasuni oqaatigeqqinneqartarmata aamma annertuninngorlugit nutaarsiassanngortinneqartar mata akeqanngitsuni nutaarsiassanut nittartakkani kiisalu radiomi TV-milu.</p>	<p>Oqaaseqaat siunnersuummi allannguinnessamut pissutissaqaartitsinngilaq.</p> <p>Siunnersuummi allannguutissanik siunnersuuteqartoqanngilaq.</p>
1.6	Sermitsiaq.AG	<p>Aviisit tassaapput nutaarsiassaqaartitsinermut peqataasut, taamaalillutillu</p>	<p>Oqaaseqaat siunnersuummi allannguinnessamut pissutissaqaartitsinngilaq.</p>

	<p> inuiaqatigiit tamarmik akeqangitsumik allaatigisat pingaarnert atuarsinnaalersarpaat. Tamanna paasissallugu pingaartorujussuvoq. Tamanna nutaarsiassiisarneq annikillisinneqarpat, nutaarsiassat amerlassusaat appassaaq, uagutsinnullu ilisimasassat annikillissapput. Aviisit aamma kulturimik annertuumik kivitsisuupput, nutaarsiassat pingaarnerinnaammi tassaniinneq ajormata. Sapaatit akunneranni tamani aviisit allaatigisat pissanganaatillit aaqqissuisunit aaqqissorneqarsimasut, aviisini aalajangersumik inissitat allaatigisat, aviisimik allaatigisat kronikkit, saqqummersitanik naliliinerit, oqallinnerit il.il. saqqummersittarpaat. Sermitsiap aamma AG-p oqaatsitigut kinaassuseq nukittorsaaqataaffigaat. Kalaallisut oqaatsinik atuiffiusut taamaatikkuksigit nutaarsiassanut avataaneersunut pinngitsuuisinnaajunnaas- saagut taakkulu kalaallisut isiginnittaaseq tupinnanngitsumik pigineq ajorpaat oqaatsinillu allanik atuillutik </p>	<p> Siunnersuummi allannguutissanik siunnersuuteqartoqanngilaq. </p>
--	--	--

		<p>allaatigisaqartarlutik. Pingaaruteqartut annaanneqariataarneqarsin- naasut pineqarput. Maannakkuinnaanngitsoq. Piffissarli sivilunerusoq aamma eqqarsaatigalugu.</p>	
1.7.	Sermitsiaq.AG	<p>Isumaqataanngilagut tusagassiorfiit namminersortut suliniutinut aningsaanik qinnuteqartarnissaannut qinnuteqaataasalu “naliliisartunit” nalilersorneqartarnissaannut . Nunat allat arlaqartut assigalugit aalajangiinissamut tunnngavilersuutit kinaassusersiunngitsut tunnngavigalugit ingerlatsinermut tapiissuteqartartutulli tusagassiorfiit namminersortut namminneq aalajangertassavaat tapiissut sumut atussanerlugit qanorlu tusagassiuuteqarnerup ineriartornissaa qulakkiissanerlugu.</p>	<p>Oqaaseqaat siunnersuummi allannguinissamut pissutissaqartitsinngilaq.</p> <p>Siunnersuut naapertorlugu suliniutinut aningsaanik qinnuteqartoqartassanngilaq.</p> <p>Aamma malugeqquneqarpoq suliniutinut tapiissuteqarnissamut malittarisassat atuuttut suliarineqarsimmamata piviusut tunnngavigalugit arlaannaanut atassuteqanngitsumik.</p> <p>Taassuma saniatigut suliniutinut tapiissutit agguassinermut ataatsimiititaliamit arlaanut pituttorsimanngitsumit agguanneqartarput, soorlu qitiusumik ingerlatsivimmit pisarani. Taamaattumik tunnngavissaqanngilaq oqassalluni agguassineq isumaliutit kinaassusersiortut tunnngavigalugit ingerlanneqartartoq, soorlu tamanna oqaaseqaammi saqqummiussat taamaassorigunaraat.</p>
1.8	Sermitsiaq.AG	<p>Suliniutinut aningaasat 500.000 kr.-t atorineqartartut tunnngavigalugit taakku nuna tamakkerlugu aviisinut</p>	<p>Oqaaseqaat siunnersuummi allannguinissamut pissutissaqartitsinngilaq.</p>

		<p>ingerlatsinermut aningaasaliissutaasartunut nuunneqassasut tusagassiorfiup Mediehuset Sermitsiaq.AG-p innersuussutigaa.</p> <p>Ingerlatsinermut aningaasat periarfissaq iluatsillugu Islandimut Danmarkimullu assingusumik qaffanneqartariaqarput. Tassaasinnaavoq 2.5 millioner kr.-nik.</p> <p>Taakkorpiaat 2013-imi aviisinut ingerlatsinermut tapiissutigineqartussat immikkoortinneqarsimapput . Ukiut qulinngulersut ingerlareerput, ingerlatsinermullu tapiissutit affaat sinnerlugit annikillisinneqarsimallutik, pisortalli tusagassiorfiata tapiissutisiaat qaffanneqarsimallutik.</p> <p>Tamanna naapertuutinngilaq, inuinnaalli naalakkersueqataanerannut kiffartornermi tusagassiorfinnut namminersortunut suli ajornerulersitsivoq.</p>	<p>Oqaaseqaat tamarmi aningaasanut inatsimmut tunngasuvoq, taamaattumillu siunnersuummut tunngassuteqarani.</p> <p>Oqaaseqaammi aammattaaq kukkusumik isumaqartoqarpoq siunnersuut ingerlatsinermut tapiissutinik annikilliliinermik kinguneqarumaartoq. Nangillugu oqaatigineqassaaq Inatsisartut ullumikkut pisarnej malillugu ingerlatsinermut tapiissutit annertussusaat aningaasanut inatsimmi aalajangertarmatigit, tamannalu siunnersuummi allanngortinniarneqanngilaq.</p> <p>Tusagassiorfinnut tapiissuteqartarnerup ingerlatsinermut - aamma suliniutinut tapiissutinut immikkoortinneqartarnerata atorunnaarsinneqarnissaa siunnersuutip taamaallaat kingunerissavaa.</p>
1.9	Sermitsiaq.AG	<p>Aviisit pinngitsooratik saqqummersinneqartarnerat tamatigit pisartussatut isigineqarsinnaanngilaq.</p> <p>Naqinneqarlutik imaluunniit ineriartorfissaqarluartumik nunatsinnilu nuannerineqartumik qarasaasiakkut aviisitut.</p>	<p>Oqaaseqaat siunnersuummi allannguinissamut pissutissaqartitsinngilaq.</p> <p>Siunnersuutip allanngortinneqarnissaa siunnersuutigineqanngilaq.</p>

		<p>Nunani allani tamanna aamma ilisimaneqarpoq. Tamanna tamaanittaaq ukkatarineqartariaqarpoq tusagassiorfiit namminersortut pigiinnarnissaat kissaatigisarigaanni. Naatsumik: Tusagassiorfiit namminersortut nukittorsarneqarnissaat pisariaqarput taakku KNR-imut illuatungiliuttuusussaat a. Akerlianik iliuuseqarani.</p>	
2.	<p>Ilisimatusarfimi ilisimatooq ataaseq</p>	<p>Siunertaavoq suliniutinut tapiissutit agguassinermut ataatsimiititaliap agguattassagai, inatsisilli atuutilersinneranit suliniutinut tapiissutit agguanneqanngisaannarsim apput. Ukiulli tamaasa ingerlatsinermut tapiissutinut aningaasat illikartinneqartarsimapput. 2020-mi tusagassiorfinnut tapiissutit 1,3 mio.kr.-t missaat agguanneqarsimapput tamarmillu tusagassiorfimmu Sermitsiaq.AG-mut tapiissutigineqarsimallutik. Tamanik ersersitsinissaq pillugu oqaatigineqassaaq, tusagassiorfik 2020-mit taassuma saniatigut Danskil Naalagaaffiannit tusagassiorfinnut tapiissutisisimammatt (2022-mi 3,5 mio. kr.-t</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Siunnersuutip allanngortinneqarnissaa siunnersuutigineqanngilaq.</p> <p>Ilumoorpoq tusagassiorfik Mediehuset Sermitsiaq.AG kisimiilluni Inatsisartut inatsisaata atuutilersinneqarneraniit tusagassiorfinnut tapiissutisisarsimammatt.</p> <p>Inatsisartut inatsisaata atuuttup pinngitsoortissinnaanngilaa tusagassiorfinnut tapiissutisisartup allanit tapiissutisisarnissaa, soorlu Danskil Naalagaaffiannit.</p>

		missaannik). Nunatsinni tusagassiorfiit allat nunatsinni Danmarkimilu tusagassiorfinit tapiissuteqaatinik tigusaqartarsimangillat.	
2.1	Ilisimatusarfimmi ilisimatooq ataaseq	Allannguutissatut siunnersuutip kinguneratigut suliniutinut tapiissuteqartarneq atorunnaarsinneqassaaq, taassumalu kingunerisaanik tusagassiorfinit tapiissuteqartarneq ingerlatsinermut tapiissutitut taamaallaat periarfissanngussalluni. Tamatigoortumik assigiinngisitaartumillu nutaarsiassaqaartitsineq siunertaasoq anguneqassappat maannakkut ingerlatsinermut tapiissuteqartarneq ilumut kisimi periarfissaasariaqarnerasoq inatsisiliortut isumaliutigisariaqaraluarpaat.	Oqaaseqaat siunnersuummi allannguinnissamut pissutissaqaartitsinngilaq. Suliniutinut tunngatillugu assigiinngisitaartumik tusagassiornermik tapersiinnaasunik suli isumaliortoqartoq oqaatigineqassaaq. Suliniutinulli tapiissuteqartarnerup ingerlasinnaasimanginnera oqaatigisariaqarpoq.
2.2	Ilisimatusarfimmi ilisimatooq ataaseq	Ingerlatsinermut tapiissutinik pissarsisinnaalissagaanni aalajangiinermullu tunngavissat iluaniilissagaanni pappialamut naqitanik saqqummersitsisarnissamik aaqqissuisoqarfimmilu pingasunik sulisoqarnissamik piumasagaatit	Oqaaseqaat siunnersuummi allannguinnissamut pissutissaqaartitsinngilaq. Tusagassiorfinit ukiumi qinnuteqarfigisami imaluunniit ukiup qinnuteqarfiusup siuliani aallartissimasunut aaqqissuisoqarfimmi pingasunik sulisoqarnissamik piumasagaat atuutinngilaq. Allatut oqaatigalugu, suliffeqarfiit

		<p>tusagassiorfinnut aallarterlaanut naammassiniassallugit ajornakusuussapput.</p>	<p>aallarterlaat malittarisassani eqqarsaatigineqareerput.</p> <p>Pappialamut naqitatut nuna tamakkerlugu saqqummernissamik piumasaqaat aviisinut ulluinnarni saqqummersinneqartartunut ingerlatsinermut tapiissuteqarnissamut atassuteqarpoq, taakkulu pappialamut naqinneqarlutik saqqummersinneqartarput, aamma tak. nr. 2.3-mut oqaaseqaatit.</p>
2.3	<p>Ilisimatusarfim mi ilisimatooq ataaseq</p>	<p>Isumaga naapertorlugu pappiliaq nammineerluni inuinnaat naalackersueqataanerannut nukittorsaatitut sunniuteqanngilaq, pappialamullu naqitanik saqqummersitsisarnissamik piumasaqaateqarneq tusagassiorfinnut nutaanut akornutaasinnaavoq, taamaattumik ingerlatsinermut tapiissutisissagaanni tamanna piumasaqaataasariaqarnerso q isumaliutigeqqittariaqarsori- narpoq. Aamma teknologiikkut ineriartornerup internettimillu atuinerup aviisinik pappialamut naqitanik atuartartut ikilinerannik kinguneqarpoq, akerlianilli</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Oqaaseqaatip Inatsisartut inatsinaanni atuuttumi § 15-imut tunngassuteqarnera ilimanarpoq, siunnersuummilu aalajangersakkamut taamaattumik tunngassuteqarani. Ingerlatsinermut tapiissutit tusagassiuutinut naqitanut nuna tamakkerlugu saqqummersartunut tapiissutigineqartartut aalajangersakkami allassimavoq.</p> <p>Aamma Inatsisartut inatsisaanni atuuttumi § 2, imm. 4-mi allassimavoq, tusagassiuutit naqitat tassaasut aviisit, atuagassiat imaluunniit saqqummersitalluunniit taakku assigisaat. Aalajangersagaq oqaaseqaatinik ilaneqarpoq tassanilu allassimalluni</p>

		<p>digitalinngortitanik nutaarsiassanik atuinerulerlutik. Nutaarsiassanik tusagassiorfiit digitalinngortitanik atuinerulernerata nutaarsiassat allanneqarsimasut kisiisa atortanngilaat, aammali nipit, assilissat- aamma taakku akuleriisillugit tusagassiinerit atorneqarlutik. Pappialamut naqitanik saqqummersitsisarnissamik piumasaqaatip taamatut ineriartornissaq akornusersinnaavaa.</p>	<p>“saqqummersitalluunniit taakku assigisaat” tassaasut saqqummersitat saqqummerseqqinneqartut imaluunniit pappialanngorlugit amerlisarneqarsimasut piffissallu aalajangersimasut iluini saqqummersinneqartartut.</p> <p>Aalajangersakkami aalajangersimasumik saqqummersitsisarnissaq ingerlatsinermut tapiissutinik pissarsinissamut piumasaqaatitut naqissuserneqarpoq, taannalu ulluinnarni aviisit saqqummersartunut tunnгатinneqarmat taamatut naliliisoqarsimavoq, taakkumi pappialamut naqinneqarlutik saqqummersinneqartarmata.</p> <p>Ilanngullugu oqaatigineqassaaq suliniutinut tapiissuteqartarnermut malittarisassani atuuttuni taaneqanngimmat pappialamut naqitsisarnissaq. Kisianni pappialamut naqitsinissamik piumasaqaateqanngikkaluartoq suliniutinut tapiissuteqarnermut malittarisassat atorsinnaasimangillat.</p>
2.4	Ilisimatusarfim mi ilisimatooq ataaseq	<p>Taassuma saniatigut saqqummersitsiniarnermi anigaasartuutit tunnгaviusut aviisinut naqitanut annertunerujussuupput digitalinngortitanik nutaarsiassanik saqqummersitanut soorlu</p>	<p>Oqaaseqaat siunnersuummi allannguinissamut pissutissaqartitsinngilaq.</p> <p>Oqaaseqaammi nr. 2.3-mi allassimasut innersuussutigineqarput.</p>

		<p>nutaarsiassanut tusarnaagassatut allakaatitassanut imaluunniit nittartakkanut allassimasunut nutaarsiassanut naqitsinermut agguaanermullu aningaasartuuteqarfiunngits unut sanilliullugit. Pappialamut naqitsinermut agguaassinermullu aningaasartuutit imarisakkut pitsaasuunissaq nassatarineq ajorpaat, aamma tusagassiuutinik naqitanik pisariaqartitsinerup annikinnerulernerata tusagassiorfiit nutaat naqitanik atuinissaannik nassataqarunnaangilaq.</p>	
2.5	<p>Ilisimatusarfim mi ilisimatooq ataaseq</p>	<p>Sulilu tusagassiorfimmi aaqqissuussisoqarfimmi pingasunik sulisoqarnissamik piumasaqaat nunami mikisumi ikittuinnarnillu aviisiliortulimmi piumasarissallugu annertoorujussuuvoq. Assersuutitut Savalimmiuni marlunnik sulisoqarnissaq siornatigut piumasaqaataasimavoq, tamannalu piumasaqaat peerneqarsimavoq Savalimmiunilu tusagassiuisarnermi akisussaassuseqarneq pillugu inatsit naapertorlugu nalunaarnissamut piumasaqaammik ilaatigut</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Oqaaseqaatip Inatsisartut inatsinaanni atuuttumi § 3, imm. 1, nr. 3-mut tunngassuteqarnera ilimanarpoq, siunnersuummilu aalajangersakkamut taamaattumik tunngassuteqarani. Tassunga tunngatillugu erseqqissarneqassaaq aaqqissuisoqarfimmi pingasunik sulisoqarnissamik piumasaqaat, akisussaasutut aaqqissuisoq ilannullugu, qinnuteqartunut ukiumi qinnuteqarfiusumi aallartissimasunut ukiulluunniit siuliani ukiui aallartissimasunut aalajangersagaq atuutinngimmat.</p>

		<p>taarserneqarsimalluni. Teknikkikkut ineriartornerup digitalinngortitsilluni nutaarsiassiinermik ingerlatsineq akikinneralaarsuannortissi mavaa, nunanilu allani assersuutissaqarpoq aviisiliortut ikittoralaannguit tusagassiorfiit ingerlassinnaanngorsimagaa t amerlanertigut sammisamut aalajangersimasumut immikkooqqissaartumulluun niit sammisunik qaffasissumik pitsaassusilinnik suliaqarlutik. Tamanna tunngavigalugu – ilaatigut Danmarkimi tusagassiuuteqarneq pillugu isumaqatigiinniarnerni – aaqqissuussisoqarfinni sulisut amerlassusissaannik piumasaqaatit appartinneqarnissaat oqallissutaavoq.</p>	<p>Aalajangersakkami aamma tunngaviusumik siunertaavoq tusagassiorfiit aaqqissuisoqarfeqarnissaat tapersersussallugu inuiaqatigiit pitsaassuseqartumik nutaarsiassaqartitsinissamik kissaataat naapertorlugit.</p>
2.6	<p>Ilisimatusarfim mi ilisimatooq ataaseq</p>	<p>Eqikkaallunga nalilerpara suliniutinut tapiissuteqartarnerup atorunnaarsinneqarnerata – taamaalillugit ingerlatsinermut tapiissutit siunissami periarfissanik allanik ilaqarunnaarsillugit – nunatsinni tusagassiorfiit nutaat tusagassiorfinnut tapiissutinik pissarsinissaminnut periarfissaannik</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Ilanngullugu oqaatigineqassaaq siunnersuut suliarineqarmat suliniutinut tapiissuteqartarneq siunertarisat malillugit atorsinnaasimanngimmat. Allatut oqaatigalugu inatsimmi aallaaviusumi siunertaq suliniutinut tapiissuteqartarnermut</p>

		<p>ajornerulersitsineq kingunerissagaa, taamaalillunilu inatsimmik allannguuteqarneq inatsisip siunertaanut naapertuukkunnaarpoq.</p>	<p>tunngasoq taamaattumik aamma allanngortinneqartariaqarsimavoq.</p> <p>Aamma oqaatigineqassaaq ulluinnarni tusagassiuutinut nalinginnaasumik sulianik tapiissuteqartarneq atuutsinneqaannarmat.</p>
3	Sulisitsisut (GE)	<p>Tusagassiorfiup Mediehuset Sermitsiaq.AG-ip akisussaalluni aaqqissuisuanut siunnersuut pillugu Sulisitsisut (GE)-p oqalliseqatigisimavaa, tassungalu atatillugu tusagassiorfiup tusarniaanermi akissuteqaataanik nassinneqarsimalluni. Tusagassiorfik Mediehusip tusarniaanermi akissuteqaataa Sulisitsisut taperserpaat.</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Oqaaseqaat siunnersuummi allannguinnissamik siunnersuuteqanngilaq.</p>
3.1	Sulisitsisut (GE)	<p>Suliniutinut tapiissuteqartarneq atorneqanngimmat tusagassiorfinnut tapiissuteqartarnerup immikkoortua taanna peerneqassasoq aalajangerneqarpoq. Taamaattumik tamanna ima paasisariaqarpoq tusagassiorfinnut namminersortunut suliniutinut tapiissutaasussat tapiissutit 500.000 kr.-nik annikillilerneqassasut.</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Nr.1-imut aamma 1.7-imut oqaaseqaatit innersuussutigineqarput.</p>
3.2	Sulisitsisut (GE)	<p>Tamanna Sulisitsisut (GE)-p tusagassiorfinnut namminersortunut</p>	<p>Oqaaseqaat siunnersuummi allannguinnissamut pissutissaqartitsinngilaq.</p>

		<p>isertuussilluni tapiissutinik annikillilerinertut paasivaa. Imaassanngilaq taamatut iliuuseqarnikkut aammaarluni tusagassiorfinnut namminersortunut aningaasaqarnikkut tunngavissamik ajornerulersitsisoqassasoq. Tusagassiorfiup Mediehusip taasaatut Sulisitsisut taperserpaat 500.000 kr.-t namminersortunut tusagassiorfinnut pisariaqartitsisunut illikartinneqassasut, taakkuussagunarmatalu tusagassiorfiit allaatigisaqarlutik ingerlatsisut.</p>	<p>Oqaaseqaat siunnersuummut tunngassuteqarunangilaq, Inatsisartulli aningaasanut inatsimmi tapiissutit annertussusissaannik aalajangersaasarnerannut tunngassuteqarluni.</p> <p>“Namminersortunut tusagassiorfinnut” innersuussinermut atatillugu taanneqassaaq pisortat tapiissutaat tusagassiorfimmut ataasiinnarmut ingerlatinneqartarmata.</p>
3.3	Sulisitsisut (GE)	<p>Namminersortunut tusagassiorfinnut pisortat tapiissuteqartarnerat isummerfiginagu tusagassiorfinnut aningaasatigut annikilliliinerup kingunerissavaa inuinnaat naalakkersueqataanerata annertuumik annikillilerneqarnera nunatsinnimi tusagassiinernut atuineq isersinnaanerlu assigiinngitsorujussuummat.</p>	<p>Oqaaseqaat siunnersuummi allannguissamut pissutissaqartitsinngilaq.</p> <p>Siunnersuutip tusagassiorfinnut tapiissutinik annikilliliinissaq siunertarinngilaa.</p>
3.4	Sulisitsisut (GE)	<p>Ussassaarutinik aallakaatitsisinnaaneq taakkuninngalu isertitaqarsinnaaneq sulisitsisut siornatigut samminikuaat.</p>	<p>Oqaaseqaat siunnersuummi allannguissamut pissutissaqartitsinngilaq.</p> <p>Oqaaseqaat siunnersuummut tunngatinneqanngilaq, kisiannili</p>

		<p>Ullumikkut KNR-imut 70 mio. kr.-t missaat pisortat aningaasaliissutigisarpaat. Siornatigut uparuarneqareertutut paasiuminaappoq, KNR ussasaarutinik aallakaatitsisinnaatitaammat taamaaliornikkullu tusagassiorfiit namminersortut suliniutiminnut assigisaannullu aningaasalersuisinnaanissaat tunngavissaarullugu.</p>	<p>radiukkat tv-kkullu aallakaatitsisarneq pillugu Inatsisartut inatsisaat nr. 7, 8. juni 2014-imeersumi § 36, imm. 1-imut tunngassuteqarunarluni, tassanimi aalajangersarneqarpoq KNR-p ingerlatsinera ilaatigut ussasaarutitigut aningaasalersorneqassasoq.</p> <p>5. juni 2015-imi inatsisissatut siunnersuummut tusarniaanermi sulisitsisut siornatigut akissuteqarnerminni KNR-ip ingerlatsinerani ussasaarutit KNR-ip aallakaatitsineranit peerneqarnissaat 2015-imi akerlilersimavaat.</p> <p>KNR tusagassiorfiummat nunatsinni innuttaasunut tamanut anggussinnaassuseqartoq, tassalu ussasaarutinik innuttaasunut, illoqarfiit annerit assigalugit, nunap immikkoortuani inernettimut kanalinillu neqeroorfiunngitsunut sulisitsisut tunngavilersuutigaat.</p>
3.5	Sulisitsisut (GE)	<p>Naalakkersuineramik suliaqartunit 500.000 kr.-t suliniutinut tapiissutit atorneqarnissaat inassutigisimagaanni taakku peerneqarneqarpoq innissaat isumaqanngilaq. Sulisitsisut taamaattumik siunnersuutigaat taakku ingerlatsineranut tapiissutinut illikartinneqassasut, tusagassiorfiillu namminersortut</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Oqaaseqaat siunnersuut pinnagu aningaasanut inatsimmut tunngassuteqarunarpoq.</p> <p>Suliniutinut tapiissutit annertussusigaanerat aningaasaqarnermut tunngassuteqarpoq taannalu Inatsisartut aningaasanut inatsisitigut oqartussaaffigaat.</p>

		<p>anigaasaliissutit siunertat malillugit sunut atorneqarnissaat namminneq aalajangersinnaanngussagaa t.</p>	
3.6	Sulisitsisut (GE)	<p>Sulisitsisut inuinnaat naalakkersueqataanerannik tunngavilersuuteqarnermik takusaqarsinnaanngillat, naalakkersuinikkut tapiissutinik killiliinerup, nakkutilliinerup imaluunniit sumut atorneqarnissaanut aalajangiisinnaatitaanerup tunngavilersorneqarsinnaaneranut, tamannali kissaatigineqarpat tusagassiorfiit namminersortunut isumaqatigiinniarnert aallartisartariaqarput.</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Siunnersuutip allanngortinneqarnissaa siunnersuutigineqanngilaq.</p> <p>Ingerlatsinermut suliniutinullu tapiissuteqartarnernut immikkoortitsisarnerup maannakkut atuuttup atorunnaarsinneqarnissaa taaneqareersutut siunnersuummi taamaallaat siunertarineqarpoq. Taamaalluni tusagassiorfinnut tapiissuteqartarneq nalinginnaasumik ingerlatsinermut tapiissutituinnaq agguanneqartalissaaq, taassumalu ilisarnaatigaa tapiissutit ingerlatsinermut nalinginnaasumut tapiissutigineqartalernissaat oqaatigeqqaarnagu sumut atorneqassanersut.</p>
3.7	Sulisitsisut (GE)	<p>Tusagassiorfimmit Mediehusimit oqaatigineqartut naalakkersuinermik suliaqartuniit naligiilluni unammilleqatigiittoqanngits oq eqqumaffigisariaqarpoq, “tusagassiorfissuaqarpoq” aningaasarpasuarnik tunngavilerneqarsimasunik</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Siunnersuutip allanngortinneqarnissaa siunnersuutigineqanngilaq.</p>

		nunatsinni tusagassiorfinnut naleqqiullugit.	
3.8	Sulisitsisut (GE)	Nunat allat tusagassiorfiisa najukkami, immikkoortumi aamma nuna tamakkerlugu nunatsinni pissutsinik paasisimasaqarneq amigaatigisaqqooqaat, taamaattumik nunat assigiinngitsut akornannit nutaarsiassaqaartitsineq amigaateqalersinnaasarpoq.	Oqaaseqaat siunnersuummi allannguissamut pissutissaqaartitsinngilaq. Siunnersuutip allanngortinneqarnissaa siunnersuutigineqanngilaq.
3.9		Inuinnaat naalakkersueqataanerata aallaavigalugu suliniutinut tapiissutit tusagassiorfinnut tapiissuteqartarnermiitiinnar tariaqarput imaluunniit qanoq “taaneqartarumaarnersut”. Tusagassiorfeqarnissaa namminersortunik/kiffaanng issuseqartunik ajorinnissinnaasunik, nersuulaarinnissinnaasunik aamma pissaaneqartunut oqallinnermik ingerlatsisinnaasunik nunatta ineriartornerata pisariaqartippaa. Inuinnaat naalakkersueqataaneranni tamanna ulorianartorsiortinneqassaaq paasinngikkaanni tusagassiorfiit namminersortut kiffaanngissuseqartullu pisariaqartinneqarnerat.	Oqaaseqaat siunnersuummi allannguissamut pissutissaqaartitsinngilaq. Siunnersuutip allanngortinneqarnissaa siunnersuutigineqanngilaq, oqaaseqaammi aningaasanut inatsimmut tunngassuteqarmata. Taassuma saniatigut aningaasat amerlaqisut tusagassiorfinnut tapiissutitut aningaasaliissutigineqartarsimap put, tusagassiorfik Mediehuset Sermitsiaq.AG-lu tusagassiorfinni kisiartaalluni 2016-imit tusagassiorfinnut tapiissutisisarsimavoq.
4	Dansk Journalist-forbund aamma	Inatsimmi atuuttumi suliniutinut tapiissuteqartarnermut aalajangersakkap	Oqaaseqaat siunnersuummi allannguissamut pissutissaqaartitsinngilaq.

	Tusagassiuiner mik Sulisut Peqatigiiffiat	siunnersuummi peerneqarnera iluarpoq, taannalu pileqqaarneranillu isornartorsiorneqartarsimav oq tassami atorsinnaasimannginnami.	Siunnersuutip allanngortinneqarnissaa siunnersuutigineqanngilaq.
4.1	Dansk Journalist- forbund aamma Tusagassiuiner mik Sulisut Peqatigiiffiat	Sakkortuumik isornartorsiorneqartariaqarp oq inatsisissatut siunnersuummi naalackersuinermik suliaqartut toqqaannartumik aningasaqarnikkut aqutsinerat aaqqinneqanngimmat, tassaasoq tapiiffigineqartartut Naalackersuisut tungaannut kiffaanngissuseqarnissaat. Danmarkimisut agguaassinermut ataatsimiititaliamik pilersitsinissaq siunnersuutigineqarpoq, taassuma nunatsinni tusagassiorfinnut tapiissutininik qinnuteqartut suliarisassavai aningaasallu agguaanneqartut atorneqarneri nakkutigisassallugit.	Oqaaseqaat siunnersuummi allannguinissamut pissutissaqartitsinngilaq. Tusagassiorfinnut tapiissuteqartarnerup ingerlanneqarnissaanut nutaamik allaffissornikkut suliaqartussamik pilersitsinissaq pisariaqartutut nalilerneqanngilaq, taanna ukiuni arlaqartuni taamaallaat ingerlatsinermut tapiissutitut taamaallaat tunniunneqartarsimavoq. Naalackersuinermik suliaqartut toqqaannartumik aningasaqarnikkut aqutsinerata taamaatinneqarnissaanut pilersitsinermut pingaarnertut tunnngavilersuutaavoq suliamut tunnngassuteqanngitsut ingerlatsinermi ilaatinneqannginnissaannik siunertaqarneq, soorlu ingerlatsinermut tapiissutininik agguaanermi. Ingerlatsinermi tapiissutininik agguaanermi tapiiffigisassani ajornakusoortunik nalilersugassaqaanngimmat kiisalu ingerlatsinermi eqqoriaalluni isumaliutigisassaqaanngimmat

			<p>immikkut agguaasussanik pilersitsinissaq tunngavissaqanngilaq.</p> <p>Qulaani taaneqartutut ingerlatsinermut tapiissut tiguisussap suliffeqarfianut ingerlaavartumik akiliutigineqartarpoq nililersornagit tapiissutinik atuinermi periarfissat.</p>
4.2	<p>Dansk Journalist-forbund aamma Tusagassiuinermik Sulisut Peqatigiiffiat</p>	<p>Aningaasaqarnikkut isornartuuvoq tusagassiorfinnut tapiissuteqarnermi sinaakktissat piffissamut sivilunerusumut aalajangiunneqarneq ajornerat, ukiumoortumilli aningaasanut inatsimmut isumaqatigiinniarnernut ilaasarlutik. Tamatuma kinguneraa tusagassiorfinnut tapiissutinik tiguisussap ilisimareertanngimmagu missingersuusiorsinnaanagulu tapiissutissap annertussusissaa. Inatsisartunut kaammattuutigineqarpoq ukiunut arlalinnut tusagassiorfinnut tapiissuteqartarnermi aningaasaqarnermut sinaakktissat isumaqatigiissutigineqarsinnaanerat.</p>	<p>Oqaaseqaat siunnersuummi allannguinnissamut pissutissaqartitsinngilaq.</p> <p>Tamatumuuna malugeqquneqarpoq pisortat suliaat tamarmik ilaatigut tunngaveqartussaammata aningaasaliissutinut tunngavissani, tamanna isumaqarpoq soorlu pisortat aningaasalersugassaat aningaasanut inatsimmi ilaatinneqartussaanerat aningaasat ukiuanni pineqartumi.</p> <p>Naalakkersuinikkut ukiunut arlalinnut isumaqatigiissuteqartoqarsinnaavoq, soorlu tusagassiorfinnut tapiissutit annertussusissaannik.</p>
4.3	<p>Dansk Journalist-forbund aamma</p>	<p>Tusagassiorfinnut tapiissutit siunissami tusagassiorfinnut nutaarsiassaqaqarfinnullu internettimik</p>	<p>Oqaaseqaat siunnersuummi allannguinnissamut pissutissaqartitsinngilaq.</p>

	Tusagassiuiner mik Sulisut Peqatigiiffiat	iluaquteqartunut tunniunneqarsinnaannginnis saat paasiuminaappoq, taamaallaalli naqitanik iluaquteqarlutik suliaqartunut.	Pappialamik atuinissamik piumasaqaateqarneq nalilernerqassaaq ingerlatsinermut tapiissutit aviisinut ulluinnarni saqqummertartunut naatsorsuussaammata, taakkulu ilisarnaatigaat pappialakkut saqqummersinneqartartumik. Nr. 2.2 aamma 2.3-mut oqaaseqaatit innersuussutigineqarput.
4.4	Dansk Journalist- forbund aamma Tusagassiuiner mik Sulisut Peqatigiiffiat	Erseqqissumik isornartorsiorneqarpoq siunnersuummi erseqqissumik allassimanngimmat maannakkutut suliniutinut tapiissutit ataavartumik ingerlatsinermut tapiissutinut illikartinneqartussaanerat. Siornatigulli tusagassiorfinnut tapissutitut katillugit anigaasaqarnikkut sinaakkutissaat annertuumik ilanngarterneqarsimapput 2014-imi 2,5 mio. kr.-nit 2015-imi 2 mio. kr.-nut maannakkumullu taamaallaat 1,3 mio. kr.-nut. Maannakkut suliniutinut tapiissutit ingerlatsinermut tapiissutinut illikartinneqassappata anigaasatigut sinaakkutissat tamarmisut (2022-mi kisitsisit naapertorlugit) 800.000 kr.- nik annikinnerussapput.	Oqaaseqaat siunnersuummi allannguinissamut pissutissaqartitsinngilaq. Tamatumunnga peqqutaavoq tusagassiorfinnut tapiissutit annertussusissaat Inatsisartut inatsisaat atuuttoq naapertorlugu anigaasat inatsisaani aalajangerneqartarmat tusagassiorfinnullu tapiissutinut inatsimmi pinnani. Nr. 1-1.1. aamma 1.7.-mut oqaaseqaatit innersuussutigineqarput.

5	NTK/Arfivik TV	Paasivarput siunnersuummi allassimasoq aviisiliortutut ilinniarsimasuusariaqartoq piffimmit aviisiliortutut ilanngussisoqassappat, tamannalu piumasaqaataassappat kissaatigaarput tapiissutit qaffanneqarnissaat taakku aviisiliortumik akissarsiaqartitsinissamut atorneqassammata, tassami aviisiliortumik atorfinititsinissaq ajornartarmat, tamannalu suliffeqarfimmut aningsaasaqarnikkut nanertuutaasarpog.	Oqaaseqaat siunnersuummi allannguinnissamut pissutissaqartitsinngilaq. Piffimmit ilanngutassiussagaanni aviisiliortutut ilinniarsimanissaq siunnersuummi allassimanngilaq.
5.1	NTK/Arfivik TV	Aalakaatitassiornissamut tapiissutit annertusineqassapput, maannakkummi TV-liortut kisimik tapiiffigineqartarput, uagut siunnersuutigaarput aallakaatitassiornissamut tapiissutaasartoq qaffanneqassasoq radiukkut aallakaatitsisarfiit aamma tapiiffigineqartalerniassamm ata, taakkumi aamma aaqqissuisarmata naak aallakaatitassat suliaat nipinut taamaallaat tunngasaraluartut.	Oqaaseqaat siunnersuummi allannguinnissamut pissutissaqartitsinngilaq. Oqaaseqaammi siunnersuut pineqarsorinanngilaq, pineqarunarlungili radiukkut tv- kkullu aallakaatitsisarneq pillugu Inatsisartut inatsisaat nr. 7, 8. juni 2014-imeersumi § 40. Aalajangersakkami tv-qarfinnut aallakaatitassiornissamut tapiissuteqartarneq pineqarpoq.